

四庫全書

史部

欽定四庫全書

史部

資治通鑑卷一百八十一

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣劉耀馥

欽定四庫全書

資治通鑑卷一百八十

宋司馬光撰

胡三省音註

隋紀四

起閏逢困數盡殍
圍單關凡四年

高祖文皇帝下

仁壽四年春正月丙午赦天下 帝將避暑於仁壽宮

術士章仇太翼固諫不聽太翼曰是行恐鑒興不返帝
大怒繫之長安獄期還而斬之甲子幸仁壽宮乙丑詔

賞賜支度事無巨細並付皇太子夏四月乙卯帝不豫

六月庚申赦天下秋七月甲辰上疾甚卧與百僚辭訣

並握手歔歔

歔音虛歔音希又許既翻

命太子赦章仇太翼丁未崩

於大寶殿

年十六

高祖性嚴重令行禁止每旦聽朝日昃

忘倦

朝直遙翻昃阻力翻日中則昃

雖嗇於財至於賞賜有功即無所

愛將士戰沒必加優賞仍遣使者勞問其家

將即亮翻使疏吏翻

勞力到翻

愛養百姓勸課農桑輕徭薄賦其自奉養務為儉

素乘輿御物故弊者隨宜補用

乘繩證翻

自非享宴所食不

過一肉後宮皆服澣濯之衣天下化之開皇仁壽之間

丈夫率衣絹布

衣於既翻

不服綾綺裝帶不過銅鐵骨角無

金玉之飾故衣食滋殖倉庫盈溢受禪之初民戶不滿

四百萬末年踰八百九十萬

此以開皇初元戶口之數比較仁壽末年大業初之

數而言之也按周之平齊得戶三百三萬而隋受周禪戶不滿四百萬則周氏初有關中西并巴蜀南兼江漢見戶不滿百萬也陳氏之亡戶六十萬大約隋氏混壹天下見戶未及五百萬及其盛也蓋幾倍之滋音茲殖

音植禪

獨冀州已一百萬戶

隋以信都郡為冀州此以古冀州之域言之也然禹

之冀州兼有幽并營三州地其界比它州為最大其後以天文畫柱分州自胃七度至畢十一度為大梁冀州

分隋志以信都清河魏汲河內長平上黨河東絳文城臨汾龍泉西河離石鴈門馬邑定襄樓煩太原襄國武安趙恒山博陵河間涿上谷漁陽北平安樂遼西等郡為冀州則其地亦兼有幽并營三州地故其戶最多

然猜忌苛察信受讒言功臣故舊無始終保全者乃至

子弟皆如仇敵此其所短也

此上總論文帝平生

初文獻皇后既

崩

獨孤后崩謚文獻見上卷二年

宣華夫人陳氏容華夫人蔡氏皆有

寵陳氏陳高宗之女

陳宣帝廟號高宗

蔡氏丹陽人也

丹陽郡時置蔣

州上寢疾於仁壽宮尚書左僕射楊素兵部尚書柳述

黃門侍郎元巖

隋制門下省納言二人給事黃門侍郎四人其位任重矣此又一元巖前蜀王

秀長史之元巖封平昌郡公此元巖封
龍涸縣公見隋書列女華陽王楷妃傳 皆入閤侍疾名

皇太子入居大寶殿太子慮上有不諱須預防擬

防禦也隄

備也擬準也準擬揣度以待之也

手自為書封出問素素條錄事狀以

報太子宮人誤送上所上覽而大恚

恚於避翻

陳夫人平旦

出更衣

更工衡翻

為太子所逼拒之得免歸於上所上怪其

神色有異問其故夫人泣然曰太子無禮上恚抵床曰

畜生何足付大事

抵觸也今人詈人猶曰畜生言其無識無禮若馬牛犬豕然待畜養而生

者也泣獨孤誤我

事見上卷開

乃呼柳述元巖曰召我

兒述等將呼太子上曰勇也述巖出閣為勅書

儲嗣之重廢置

之間輕易如此烏得不君臣皆敗乎

楊素聞之以白太子矯詔執述巖繫

大理獄追東宮兵士帖上臺宿衛

帖裨也帝之猜防太子勇也屏去東宮宿

衛之勇健者知出蘇孝慈而不
知備張衡之入寢殿也悌矣

門禁出入並取字文述

郭衍節度令右庶子張衡入寢殿侍疾盡遣後宮出就

別室俄而上崩故中外頗有異論

此上叙帝所以見裁考異曰趙毅大業

略記曰高祖在仁壽宮病甚追帝侍疾而高祖美人尤嬖幸者唯陳蔡二人而已帝乃召蔡於別室既還面傷而髮亂高祖問之蔡泣曰皇太子為非禮高祖大怒齧指出血召兵部尚書柳述黃門侍郎元巖等令發詔追

庶人勇即令廢立帝事迫召左僕射楊素左庶子張衡
進毒藥帝簡驍健官奴三十人皆服婦人之服衣下置
仗立於門巷之間以為之衛素等既入而高祖暴崩馬
總通歷曰上有疾於仁壽殿與百僚辭訣並握手歔歔
是時唯太子及陳宣華夫人侍疾太子無禮宣華訴之
帝怒曰死狗那可付後事遽令召勇楊素秘不宣乃屏
左右令張衡入拉帝血濺御屏
冤痛之聲聞于外今從隋書

陳夫人與後宮聞變相

顧戰栗失色晡後太子遣使者齎小金合帖紙於際親

署封字以賜夫人夫人見之惶懼以為鳩毒不敢發使

者促之乃發

使疏吏
翻下同

合中有同心結數枚宮人咸悅相

謂曰得免死矣陳氏恚而却坐不肯致謝諸宮人共逼

之乃拜使者其夜太子烝焉

杜預曰上淫曰烝

乙卯發喪

考異曰

大業略記曰十八日發喪杜寶大業雜記曰甲戌文帝崩辛巳發喪壬午煬帝即位案長歷是月乙未朔乙卯

二十一日也無甲戌辛巳壬午日今從隋書

太子即皇帝位會伊州刺史楊

約來朝

楊約出刺伊州見上卷二年朝直遙翻

太子遣約入長安易留守

者矯稱高祖之詔賜故太子勇死縊殺之

縊於賜翻

然後陳

兵集衆發高祖立問煬帝聞之

書煬帝以別大行

曰令兄之弟

果堪大任追封勇為房陵王不為置嗣

房陵郡王隋志房陵郡光遷縣

舊曰房陵置新城郡梁末置岐州後周郡縣並改為光遷大業初置房陵郡考異曰大業略記云庶人勇八

男亦陰加酖害恐其為厲皆倒埋之按隋書北史皆云煬帝踐極儼常從行卒于道實酖之也諸弟分徙嶺表仍勅在所皆殺焉今從之按通鑑下文大業三年殺儼及七弟八月丁卯梓宮至自仁

壽宮丙子殯于大興前殿

大興前殿大興宮正殿也

柳述元巖並除

名述徙龍川巖徙南海

隋志龍川郡平陳置循州南海郡舊置廣州

帝令蘭

陵公主與述離絕欲改嫁之公主以死自誓不復朝謁

復扶又翻朝直遙翻

上表請與述同徙帝大怒公主憂憤而卒臨

終上表請葬於柳氏帝愈怒竟不哭葬送甚薄

上時掌翻卒子

翻怛

太史令袁充奏言皇帝即位與堯受命年合諷百

官表賀禮部侍郎許善心議以為國哀甫爾不宜稱賀

左衛大將軍宇文述素惡善心

宇文述自左衛率遷左衛大將軍宣特以舊恩

哉既以醕功且親之諷御史劾之

又戶得翻

左遷給事

郎降品二等漢王諒有寵於高祖為并州總管

開皇十七

年漢王諒代秦王俊為并州總管

自山以東至于滄海南距黃河五十

二州皆隸焉特許以便宜從事不拘律令諒自以所居

天下精兵處見太子勇以讒廢

事見上卷開皇二十年

居常快快

快於兩翻及蜀王秀得罪

見上卷二年

尤不自安陰蓄異圖言於

高祖以突厥方彊

厥凡勿翻

宜修武備於是大發工役繕治

器械

治直之翻

招集亡命左右私人殆將數萬突厥嘗寇邊

高祖使諒禦之為突厥所敗

敗補邁翻

其所領將帥坐除解

者八十餘人

將即亮翻帥所類翻除除名也解解官也

皆配防嶺表諒以其

宿舊奏請留之高祖怒曰爾為藩王惟當敬依朝命

朝直

遙翻何得私論宿舊廢國家憲法邪嗟乎小子爾一旦無

我或欲妄動彼取爾如籠內雞雛耳何用腹心為王頗

者僧辯之子

王僧辯事梁有平侯景之功為陳霸先所殺頗丘弭翻

倜儻好奇略

個它狄翻
好呼到翻

為諒諮議參軍

隋制諸王府諮議參軍在長史司馬之下掾屬之上也

蕭摩訶陳氏舊將

將即亮翻

二人俱不得志每鬱鬱思亂皆

為諒所親善贊成其陰謀會熒惑守東井

熒惑罰星東井秦分儀

曹鄴人傅奕曉星厯

按隋制王府諸曹無儀曹蓋不在諸參軍之數鄴縣屬魏郡

諒

問之曰是何祥也對曰天上東井黃道所經

晉志東井八星天之

南門黃道所經

熒惑過之乃其常理若入地上井則可怪耳

奕知

諒有異圖詭對以自免於禍

諒不悅及高祖崩煬帝遣車騎將軍屈

突通以高祖璽書徵之

騎奇寄翻屈區勿翻璽斯氏翻

先是高祖與諒

密約若璽書名汝勅字傍別加一點

高歡與侯景亦有此約而皆以階亂

先悉

又與玉麟符合者

開皇七年頒青龍符於東方總管刺史西方以騶虞南方以朱

雀北方以玄武是後三子分居方面并楊益三總管統屬甚廣故為玉麟符漢王諒既敗惟留守東西兩都用

玉麟符至唐猶然

當就徵及發書無驗諒知有變詰通

詰去吉翻通

占對不屈乃遣歸長安諒遂發兵反總管司馬安定皇

甫誕切諫

安定郡涇州

諒不納誕流涕曰竊料大王兵資非

京師之敵加以君臣位定逆順勢殊士馬雖精難以取

勝一旦陷身叛逆絀於刑書

絀戶掛翻

雖欲為布衣不可得

也諒怒囚之嵐州刺史喬鍾葵將赴諒

嵐州樓煩之地也按隋志大業

四年方置樓煩郡管下秀容縣舊置肆州開皇十八年置忻州大業初廢又按唐志樓煩郡平劉武周置東會

州武德六年改嵐州而義寧元年復分秀容置忻州喬鍾葵者既為嵐州刺史而隋志不載嵐州建置當考嵐

盧舍翻宋白曰後魏置

嵐州因寄嵐山為名

其司馬京兆陶模拒之曰漢王

所圖不軌公荷國厚恩

荷下可翻

當竭誠効命豈得身為厲

階乎鍾葵失色曰司馬反邪臨之以兵辭氣不撓

邪音耶撓

奴教翻屈也

鍾葵義而釋之軍吏曰若不斬模無以壓衆心

乃囚之於是從諒反者凡十九州王頰說諒曰王所部

將吏家屬盡在關西

說輪蒯翻將即亮翻此關西謂蒲津關以西

若用此等

則宜長驅深入直據京都所謂疾雷不及掩耳

淮南子之言

若但欲割據舊齊之地

南距大河北盡燕代皆高齊之地也

宜任東人諒

不能決乃兼用二策唱言楊素反將誅之

諒若如宋武陵王聲元凶

之罪而舉兵天下其誰能敵之

總管府兵曹聞喜裴文安

兵曹兵曹參軍也聞喜縣

屬絳州

說諒曰井陘以西在王掌握之內山東士馬亦為

我有宜悉發之分遣羸兵屯守要害仍命隨方略地帥

其精銳直入蒲津

同州朝邑縣有蒲津關度河東即蒲州城陘音刑羸倫為翻帥讀曰率

文安請為前鋒王以大軍繼後風行雷擊頓於霸上自武

關入則頓於霸上自蒲津入豈須武頓於霸上蓋欲乘高以臨長安耳咸陽以東可指麾而

定京師震擾兵不暇集上下相疑羣情離駭我陳兵號

令誰敢不從旬日之間事可定矣考異曰大業略記云司兵參軍裴文安

說諒曰今梓宮尚在仁壽宮比其徵兵動移旬月今若簡驍勇萬騎令文安督領不淹十五日徑據長安其在京被黜停私之徒並擢授高位付以心膂共守京城則咸陽以東府縣非彼之有然後大王總兵鼓行而西聲勢一接天下可指麾而定也諒不從大業雜記云文安又說曰先人有奪人之心殿下選精騎一萬徑往京師奔喪曉夜兼行誰敢止約至京徑掩仁壽宮彼縱徵召未暇禦我大軍絡繹隨王而至此則次計王直資河北

彼率天下之兵百道攻我則難
為主入此下計也今從隋書

諒大悅於是遣所署大

將軍余公理出大谷趣河陽

姓苑余姓由余之後隋志大谷縣屬太原郡舊曰陽

邑開皇十八年改馬水經注大谷谷名在祁縣東南河陽縣屬懷州欲由此渡孟津趣七喻翻下同

大將

軍綦良出湓口趣黎陽

綦姓也此二軍皆欲使渡河略河南湓音釜

大將軍

劉建出井陘略燕趙

陘音刑

柱國喬鍾葵出鴈門

鴈門郡代州也

時李景以代州拒諒使鍾葵自嵐州攻之

署文安為柱國與柱國紇單貴王

聃等直指京師

紇單虜複姓紇下沒翻單可寒翻又達演翻聃他酣翻

帝以右武

衛將軍洛陽丘和

隋制左右武衛將軍領外軍宿衛風俗通丘姓左丘明之後又云太公封

於營丘支孫以地為氏又魏書官氏志後魏獻帝次第丘敦氏後改為丘氏按拓拔南都洛陽凡北人從之南遷者三字姓複姓皆改從單字姓為河南為蒲州刺史洛陽人丘和既洛陽人蓋即丘敦氏之後

鎮蒲津諒選精銳數百騎戴羃羅

羃羅莫狄翻羃音離新唐志曰婦人施羃羅

以蔽身永徽中始用惟冒施羃及顯武后時惟冒益盛中宗後無復羃羅矣按惟冒起於隋騎奇寄翻下同

詐稱諒宮人還長安門司弗覺徑入蒲州

門司蒲州之掌城門者

城中豪傑亦有應之者丘和覺其變踰城逃歸長安蒲

州長史勃海高義明司馬北平榮毗

勃海郡開皇六年置棣州大業二年

改滄州北平郡舊置平

皆為反者所執裴文安等未至

州榮姓周榮公之後

蒲津百餘里諒忽改圖令紇單貴斷河橋守蒲州

此蒲津之

橋也諒欲斷河謂可生有舊齊之地耳斷丁管翻

而名文安還文安至謂諒曰

兵機詭速本欲出其不意王既不行文安又返使彼計

成大事去矣諒不對以王聃為蒲州刺史裴文安為晉

州刺史薛粹為絳州刺史梁菩薩為潞州刺史韋道正

為韓州刺史張伯英為澤州刺史

隋志臨汾郡晉州絳郡後魏置東雍州後

周改絳州上黨郡後周置潞州上黨郡襄垣縣後周置韓州大業初州廢長平郡舊曰建州開皇初改澤州菩

薄乎翻薩桑葛翻聃他甘翻

代州總管天水李景發兵拒諒諒遣其

將劉曷襲景

將即亮翻曷古老翻

景擊斬之諒復遣喬鍾葵帥勁

勇三萬攻之

復扶又翻帥讀曰率下同

景戰士不過數千加以城池

不固為鍾葵所攻崩毀相繼景且戰且築士卒皆殊死

關鍾葵屢敗司馬馮孝慈司法呂玉

司法即法曹行參軍

並驍勇

善戰

驍堅亮翻

儀同三司侯莫陳乂多謀畫工拒守之術景

知三人可用推誠任之已無所關預唯在閤持重時撫

循而已楊素將輕騎五千襲王聃紇單貴於蒲州夜至

河際收商賈船得數百艘

賈音古艘蘇遭翻

船內多置草踐之

無聲遂銜枚而濟遲明擊之

遲直二翻

紇單貴敗走聘懼以

城降

降戶江翻

有詔徵素還初素將行計日破賊皆如所量

量音良

於是素為并州道行軍總管河北道安撫大使

帥衆數萬以討諒

使疏吏翻

諒之初起兵也妃兄豆盧毓為

府主簿苦諫不從私謂其弟懿曰吾匹馬歸朝自得免

禍此乃身計非為國也不若且偽從之徐伺其便

朝直遙翻

為于偽翻

毓勸之子也

豆盧勸見一百七十四卷陳宣帝太建十二年勸則歷翻

毓兄顯

州刺史賢

隋志淮安郡後魏置東荊州西魏改淮州開皇五年又改顯州

言於帝曰臣

弟毓素懷志節必不從亂但逼兇威不能自遂臣請從

軍與毓為表裏諒不足圖也帝許之賢密遣家人齎勅

書至毓所與之計議諒出城將往介州

隋志西河郡後魏置汾州後齊

置南朔州後周改曰介州令毓與總管屬朱濤留守

屬在潞下毓謂守手又翻

濤曰漢王構逆敗不旋踵吾屬豈可坐受夷滅孤負國

家邪

邪音耶

當與卿出兵拒之濤驚曰王以大事相付何

得有是語因拂衣而去毓追斬之出皇甫誕於獄與之

協計及開府儀同三司宿勤武等

宿勤虜複姓後魏末有宿勤明達叛亂

閉城拒諒部分未定

分扶問翻

有人告諒諒襲擊之

考異曰皇甫

誕傳云楊素將至諒屯清源以拒之按諒屯清源時素軍已迫何暇自還襲毓今從毓傳毓見諒至

紿其衆曰此賊軍也

紿徒亥翻

諒攻城南門稽胡守南城

稽胡

步落稽也散居介石二州

不識諒射之

射而亦翻

矢下如雨諒移攻西門

守兵識諒即開門納之毓誕皆死綦良攻慈州刺史上

官政不克

隋志魏郡滏陽縣後周置開皇十年置慈州大業初州廢

引兵攻行相州

事薛胄又不克

魏郡置相州治安陽相息亮翻下同

遂自滏口攻黎州

隋志

汲郡黎陽縣舊置黎州

塞白馬津

白馬津在東郡白馬縣北對黎陽岸塞之使不得渡塞悉則翻

余公理自太行下河內

行戶剛

帝以右衛將軍史祥為行

軍總管軍於河陰

河陰縣東魏置屬洛陽郡北對河陽岸

祥謂軍吏曰余

公理輕而無謀

輕墟政翻

恃衆而驕不足破也公理屯河陽

祥具舟南岸公理聚兵當之祥簡精銳於下流潛濟公

理聞之引兵拒之戰於須水

按九域志鄭州滎陽縣有須水鎮然其地在河南史

祥既濟河擊余公理當遇戰於河陽界水經志渙水出原城西北原山勲掌公東南流過河陽無辟城又南入

于河疑須水當作渙水渙古間翻杜佑通典作渙水音同則須字誤明矣

公理未成列祥擊

之公理大敗祥束趣黎陽綦良軍不戰而潰祥寧之子

也史寧從字文氏於兵間屢有戰功帝將發幽州兵疑幽州總管竇抗

有貳心問可使取抗者於素素薦前江州刺史勃海李

子雄

隋志九江郡舊置江州

授上大將軍拜廣州刺史

拜廣州而使之往幽

州未得之廣州

又以左領軍將軍長孫晟為相州刺史

隋志左右領軍

府各掌十二軍籍帳差科辭訟之事

發山東兵與李子雄共經略之晟辭

以男行布在諒所部帝曰公體國之深終不以兒害義

朕今相委公其勿辭李子雄馳至幽州止傳舍

傳直名戀翻

募得千餘人抗來詣子雄子雄伏甲擒之抗榮定之子

也實榮定見一百七十五子雄遂發幽州兵步騎三萬

自井陘西擊諒時劉建圍戍將京兆張祥於井陘子雄

破建於抱犢山下

隋志恒州石邑縣有抱犢山

建遁去李景被圍月

餘

被皮義翻

詔朔州刺史代人楊義臣救之

馬邑郡朔州與代州接壤楊義

臣本姓尉遲尉遲迴之亂義臣父崇以宗族之故自囚於獄高祖慰釋之後崇與突厥戰死義臣尚幼養於宮

中以其父誠節賜姓楊氏

義臣帥馬步二萬夜出西陁

新唐志代州鴈門縣有東

陁關西陁關帥讀曰率

喬鍾葵悉衆拒之義臣自以兵少

少詩

悉

取軍中牛驢得數千頭復令兵數百人持一鼓潛驅

之匿於澗谷間晡後義臣復與鍾葵戰

復扶又翻

兵初合命

驅牛驢者疾進一時鳴鼓塵埃漲天鍾葵軍不知以為

伏兵發因而奔潰義臣縱擊大破之晉絳呂三州皆為

諒城守

隋志臨汾郡霍邑縣後魏置東安郡開皇十六年置汾州十八年改呂州為于偽翻

楊素

各以二千人縻之而去諒遣其將趙子開擁衆十餘萬

柵絕徑路屯據高壁

高壁嶺名將即亮翻下同

布陳五十里

陳讀曰陣

素

令諸將以兵臨之自引奇兵潛入霍山

霍山在霍邑東北亦曰太岳山

禹貢所謂岳陽指是山之陽也史記謂之霍太山

緣崖谷而進素營於谷口自

坐營外使軍司入營簡留三百人守營

漢晉謂軍司馬為軍司今軍吏

亦謂之軍司

軍士憚北兵之彊不欲出戰多願守營因爾致

遲素責所由軍司具對素即召所留三百人出營悉斬之更令簡留人皆無願留者素乃引軍馳進出北軍之北直指其營鳴鼓縱火北軍不知所為自相蹂踐殺傷數萬

蹂人九翻

諒所署介州刺史梁脩羅屯介休

隋介州治隰城縣而

介休縣屬焉

聞素至棄城走諒聞趙子開敗大懼自將衆且

十萬拒素於蒿澤會大雨諒欲引軍還王頴諫曰楊素

懸軍深入士馬疲弊王以銳卒自將擊之其勢必克今

望敵而退示人以怯沮戰士之心益西軍之氣

楊素軍自長安

來故謂之西軍願王勿還諒不從退守清源

開皇十六年分晉陽置清源縣在晉

陽西南宋白曰地理志榆次縣梗陽鄉魏戌邑今梗陽故城在清源縣南一百二十步此縣自漢至晉皆為榆

次縣地隋置清源縣因縣西清源水為名

王頹謂其子曰氣候殊不佳兵必

敗汝可隨我楊素進擊諒大破之擒蕭摩訶諒退保晉

陽素進兵圍之諒窮蹙請降

降戶江翻

餘黨悉平帝遣楊約

齎手詔勞素

勞力到翻

王頹將奔突厥至山中徑路斷絕知

必不免謂其子曰吾之計數不減楊素但坐言不見從
遂至於此不能坐受擒獲以成堅子名吾死之後汝慎
勿過親故於是自殺瘞之石窟中其子數日不得食遂

過其故人

過古禾翻
瘞於計翻

竟為所擒并獲頰尸梟於晉陽

梟具

首也梟
工亮翻

羣臣奏漢王諒當死帝不許除名為民絕其屬

籍竟以幽死諒所部吏民生諒死徙者二十餘萬家初

高祖與獨孤后甚相愛重誓無異生之子嘗謂羣臣曰

前世天子溺於嬖幸

溺奴狄翻
嬖卑義翻
又博計翻

下同嫡庶分爭遂有

廢立或至亡國朕旁無姬侍五子同母可謂真兄弟也

豈有此憂邪

邪音耶

帝又懲周室諸王微弱故使諸子分

據大鎮專制方面權侔帝室及其晚節父子兄弟迭相猜忌五子皆不以壽終

臣光曰昔辛伯諗周桓公曰內寵並后外寵貳政嬖

子配嫡大都偶國亂之本也

左傳辛伯有是言而狐突引之諗式甚翻告也

深諫也

人主誠能慎此四者亂何自生哉隋高祖徒知

嫡庶之多爭孤弱之易搖

易以翻

曾不知勢鈞位逼雖

同產至親不能無相傾奪考諸辛伯之言得其一而失其三乎

冬十月己卯葬文皇帝於太陵廟號高祖與文獻皇后

同墳異穴 詔除婦人及奴婢部曲之課男子二十二

成丁隋因周齊之制婦人及奴婢部曲課役各隨給田為差軍人以二十一成丁至是以戶口益多府庫

盈溢故有是詔是後兵役繁興盜賊羣起而是詔為具文矣 章仇太翼言於帝曰

陛下酉命雍州為破木之衝木旺在卯雍州在西酉位也故為破木之衝雍州用

翻不可久居又讖云脩治洛陽還晉家治直翻帝深以為

然十一月乙未幸洛陽留晉王昭守長安楊素以功拜

其子萬石仁行姪玄挺為儀同三司賚物五萬段綺羅

千匹諒妓妾二十人

妓渠綺翻

丙申發丁男數十萬掘塹

自龍門東接長平汲郡

龍門縣屬蒲州長平郡澤州汲郡衛州塹七艷翻

抵臨

清關

唐志衛州新鄉縣東北有臨清關

度河至浚儀襄城

浚儀汴州襄城汝州

達

於上洛

上洛商州

以置關防

壬子陳叔寶卒贈大將軍長

城縣公

長城縣屬吳郡今長興縣是也卒子恤翻

諡曰煬

諡法好內怠政曰煬帝諡陳叔寶曰

煬豈知已不令終亦諡曰煬乎

蜀王秀之得罪也

見上卷

右衛大將

軍元胄坐與交通除名久不得調

調徒
鈞翻

時慈州刺史上

官政坐事徙嶺南將軍丘和以蒲州失守除名

守式
又翻

胄

與和有舊酒酣謂和曰上官政壯士也今徙嶺表得無

大事乎因自拊腹曰若是公者不徒然矣和奏之胄竟

坐死

元胄乘危而擠元旻於死豈知丘和在其後乎

於是徵政為驍衛將軍

唐

典曰漢武帝以李廣為驍騎將軍後省光武改屯騎為驍騎晉文王立晉臺以為宿衛之官歷宋齊梁陳後魏

北齊並有驍騎將軍之職後周有左右驍騎率上士二人至隋煬帝改左右備身為左右驍衛尋以其所領名

豹騎而又別置備身驍堅亮翻

以和為代州刺史

煬皇帝上之上

諱廣一名英小字阿麼高祖第二子也謚法好內急政曰煬去禮遠

衆曰煬逆天虐民曰煬

大業元年春正月壬辰朔赦天下改元立妃蕭氏為

皇后廢諸州總管府

後周置諸州總管隋因之又有增置今廢之

丙辰

立晉王昭為皇太子高祖之末羣臣有言林邑多奇

寶者時天下無事劉方新平交州

劉方平交州見上卷仁壽三年

乃授

方驩州道行軍總管

隋志曰南郡梁置德州開皇十八年改曰驩州

經略林邑

方遣欽州刺史甯長真等以步騎萬餘出越裳

隋志寧越郡置

欽州越裳縣屬日南郡

方親帥大將軍張繇等以舟師出比景

比景

漢縣屬日南郡隋置比景郡帥讀曰率繇蘇困翻

是月軍至海口

林邑出海之口

二

月戊辰勅有司大陳金寶器物錦綵車馬引楊素及諸

將討漢王諒有功者立於前

將即亮翻

使奇章公牛弘宣詔

稱揚功伐

隋志巴州其章縣梁置又符陽縣舊置其章郡其一作奇牛弘傳封奇章郡公積功曰伐

左傳大夫稱伐漢紀非有功伐

賜賚各有差

賚來代翻

素等再拜舞蹈而出

己卯以素為尚書令

唐六典泰變周法天下之事皆決丞相府置尚書於禁中有令丞掌

通章奏而已漢初因之武宣之後稍以委任及光武親總吏職天下事皆上尚書與人主參決乃下三府尚書

今為端揆之官魏
晉已來其任尤重

詔天下公除惟帝服淺色黃衫鐵

裝帶

三月丁未詔楊素與納言楊達將作大匠宇文

愷營建東京

後周并齊以洛陽為東京

每月役丁二百萬人徙洛州

郭內居民及諸州富商大賈數萬戶以實之廢二嶠道

開菱冊道

左傳晉禦秦師於殽殽有二陵焉南陵夏后
臯之墓也北陵文王所以避風雨也酈道元

曰言山徑委溪峯阜交陰故可以避風雨水經有盤嶠
石嶠千嶠之山盤嶠之山嶠水所出也石嶠之山石嶠
水所出也所謂嶠有二陵則石嶠之山也千嶠之山千
嶠之水出焉其水北流灑洛二道漢建安中曹公西討
惡南路之險更開北道自後行旅率多從之山側附路
有石銘云晉太康三年弘農太守梁柳修復故道太嶠

以東西嶠以西明非一嶠也魏書地形志恒農郡有嶠縣太和十一年置縣有三嶠山志又有西恒農郡治恒農縣有桃林隋志河南郡桃林縣開皇十六年置有上陽宮陝縣後魏置陝州恒農郡後周又置嶠郡開皇初郡廢大業初州廢置恒農宮又熊耳縣後周置有後魏嶠縣大業初廢有二嶠及峽石山新唐志陝州峽石縣本嶠移治峽石塢有繡嶺宮靈寶縣本桃林古函谷關在縣西有桃源宮洛州永寧縣本熊耳西五里有崎岫宮南三十里有蘭峯宮此皆東西二京往來緣道離宮雜出於隋唐所置不載所謂薨冊道不知此道起於何所入於何所山海經曰夸父之山在湖縣西九里其山多棧柵其北曰桃林或者棧柵字後訛為薨冊遂為薨冊道歟無徵不信又當博考杜佑曰隋大業七年移潼關道於南北鎮城間埧獸檻谷置去舊關四里餘賈音古埧音

關薨子紅胡

戊申詔曰聽採輿頌謀及庶民故能審

刑政之得失今將巡歷淮海觀省風俗

省悉景翻

勅宇文

愷與內史舍人封德彝等營顯仁宮南接阜澗北跨洛

濱

隋志河南郡壽安縣有顯仁宮水經注洛水徑宜陽縣故城南又東與黑澗水合水出陸渾西山歷黑澗

西北入洛阜才早翻

發大江之南五嶺以北奇材異石輸之洛陽

又求海內嘉木異草珍禽奇獸以實園苑辛亥命尚書

右丞皇甫議發河南淮北諸郡民前後百餘萬開通濟

渠

杜佑曰陳留郡城西有通濟渠煬帝開以通江淮漕運兼引汴水即荇蕩渠也考異曰雜記作皇甫公

儀又云發兵夫五十餘萬今從略記

自西苑引穀洛水達于河

是歲營建東京東去

故都十八里南直伊闕之口北倚邙山之塞東出瀍水之東西出澗水之西其城西面連苑距上陽宮七里苑牆周迴一百二十六里北拒北邙西至孝水南帶洛水支渠穀洛二水會于其間故自苑引之為渠以達于河復自板渚引河歷滎澤入汴板渚在虎牢之東水經河北有津謂之板城渚口又東過滎陽縣狼臯渠出焉是渠南出為汴水漢之滎陽石門即其地也隋志滎陽郡滎澤縣開皇四年置曰又自大梁之東引汴水入泗達

廣武

仁壽元年改焉

又自大梁之東引汴水入泗達

于淮

大梁即浚儀也引河入汴汴入泗蓋皆故道

又發淮南民十餘萬開邦

溝自山陽至揚子入江

春秋吳城邦溝通江淮此亦因故道也邦溝貫今揚州城中山

陽今淮安州揚子今真州邦音寒

渠廣四十步

廣古

渠旁皆築御道樹

以柳自長安至江都

江都郡揚州

置離宮四十餘所庚申遣

黃門侍郎王弘等往江南造龍舟及雜船數萬艘

艘蘇遭翻

東京官吏督役嚴急役丁死者什四五所司以車載死

丁東至城臯

隋志鄭州滎陽縣舊置城臯郡

北至河陽相望於道又作

天經宮於東京四時祭高祖

經曰夫孝天之經也故以名宮

林邑王

梵志

梵扶泛翻

遣兵守險劉方擊走之師度闍黎江

闍視遮翻

林

邑兵乘巨象四面而至方戰不利乃多掘小坑草覆其

上

覆敷又翻

以兵挑之

挑徒了翻

既戰偽北林邑逐之象多陷地

顛躓

躓音致

轉相驚駭軍遂亂方以弩射象象却走蹂其

陳

射而亦翻蹂人九翻陳讀曰陣

因以銳師繼之林邑大敗俘馘萬計

方引兵追之屢戰皆捷過馬援銅柱南

新唐書林邑奔浪陀州其南大

浦有五銅柱山形若倚蓋西重巖東涯海漢馬援所植也杜佑曰林邑南水步二千餘里有西屠夷馬援所樹

兩銅柱表界處也銅柱山周十里形如倚蓋西跨重巖東臨大海宋白曰馬援計交趾自日南南行四百餘里

至林邑又南行二千餘里有西屠夷國援至其國鑄二銅柱於象林南界與西屠夷分境計交州至銅柱五千

里宋杜之說銅柱在林邑南今此所記則林邑在銅柱南八日至其國都夏四月梵

志棄城走入海方入城獲其廟主十八皆鑄金為之刻

石紀功而還士卒腫足死者什四五方亦得疾卒於道

卒子初尚書右丞李綱數以異議忤楊素及蘇威數色

忤五素薦綱於高祖以為方行軍司馬方承素意屈辱

之幾死幾居軍還久不得調調徒威復遣綱詣南海應

接林邑久而不召綱自歸奏事威劾奏綱擅離所職下

吏按問劾戶槩又戶得離力智下還嫁會赦免官屏居於鄆鄆鄆縣

兆郡為李綱為何潘仁所逼五月築西苑周二百里

與六典所紀小異其內為海周十餘里為蓬萊方丈瀛洲諸山

象海中三神山高出水百餘尺臺觀殿閣羅絡山上向背如神

觀古玩翻
背蒲妹翻

北有龍鱗渠縈紆注海內緣渠作十六院門

皆臨渠每院以四品夫人主之

內命婦之品
祇百官

堂殿樓觀窮

極華麗宮樹秋冬彫落則剪綵為華葉綴於枝條色渝

則易以新者常如陽春治內亦剪綵為荷菱芡乘輿

遊幸則去冰而布之

菱奇寄翻芡巨險翻
乘繩證翻去菱呂翻

十六院競以

殺羞精麗相高求市恩寵上好以月夜從宮女數千騎

遊西苑作清夜遊曲於馬上奏之

用曹植清夜遊西園
之詩以名曲好呼到

翻騎奇
計翻

帝待諸王恩薄多所猜忌滕王綸衛王集內

自憂懼呼術者問吉凶及章醮求福或告其怨望呪詛

呪職救翻
詛莊助翻

有司奏請誅之秋七月丙午詔除名為民徙

邊郡綸瓚之子集爽之子也

瓚高祖之母弟爽
異母弟瓚藏早翻

八月

壬寅上行幸江都

考異曰雜記作九月
今從隋帝紀及略記

發顯仁宮王

弘遣龍舟奉迎乙巳上御小朱航自漕渠出洛口

洛水
入河

之御龍舟

考異曰略記云甲子進龍舟
按長歷是月戊子朔無甲子

龍舟四重高

四十五尺

重直龍翻高工號翻
高五丈雜記言其制度尤詳今從之

考異曰略記云

長二

百丈

長尺亮翻

上重有正殿內殿東西朝堂中二重有百二

十房皆飾以金玉下重內侍處之

朝直遙翻處直呂翻

皇后乘翔

螭舟制度差小而裝飾無異別有浮景九艘三重皆水

殿也

螭丑知翻艘蘇遭翻下同

又有漾彩朱鳥蒼螭白虎玄武飛羽

青鳧陵波五樓道場玄壇板楯黃篋等數千艘

楯託盍翻大船

曰楯篋音蔑

後宮諸王公主百官僧尼道士蕃客乘之

尼女夷翻

及載內外百司供奉之物共用挽船士八萬餘人其挽

漾彩以上者九千餘人謂之殿脚皆以錦綵為袍又有

平乘青龍艨艟八櫂艇舸等數千艘

艨莫公翻艟尺庸翻艟昨

遭翻艨字書闕擢讀曰棹艇徒頂翻舸賈我翻

並十二衛兵乘之并載兵器帳

幕兵士自引不給夫舳艫相接二百餘里照耀川陸騎

兵翊兩岍而行

舳舫音逐盧騎奇寄翻下同

旌旗蔽野所過州縣五

百里內皆令獻食多者一州至百舉

舉音余

極水陸珍奇

後宮厭飫將發之際多棄埋之

厭於據翻

契丹寇營州

遼西

郡置營州契欺

詔通事謁者韋雲起

隋志帝即位增置謁者臺改內史省

訖翻又音喫

通事舍人為謁者臺職通事謁者員二十人從六品

護突厥兵討之啟民可汗發

騎二萬受其處分

厥九勿翻可從刊入聲汗音寒處昌呂翻分扶問翻

雲起分為

二十營四道俱引營相去一里不得交雜聞鼓聲而行

聞角聲而止自非公使勿得走馬

公使謂公事使之

三令五申

擊鼓而發有紇干犯約斬之

紇干突厥小官紇干沒翻

持首以徇於

是突厥將帥入謁皆膝行股栗莫敢仰視

將即亮翻帥所類翻

契

丹本事突厥情無猜忌雲起既入其境使突厥詐云向

柳城

此古柳城也隋志遼西郡營州並治柳城縣乃龍城縣龍城本和龍城自後魏以來營州治焉開皇

元年改為龍山縣十八年改為柳城

與高麗交易敢漏泄事實者斬契丹

不為備去其營五十里馳進襲之盡獲其男女四萬口

殺其男子以女子及畜產之半賜突厥餘皆收之以歸

帝大喜集百官曰雲起用突厥平契丹才兼文武朕今

自舉之擢為治書侍御史

治直之翻

初西突厥阿波可汗

為葉護可汗所虜

見一百七十六卷陳長城公禎明元年

國人立鞅素特

勒之子是為泥利可汗泥利卒子達漫立號處羅可汗

其母向氏

向式亮翻

本中國人更嫁泥利之弟婆實特勒

更工

衡翻

開皇末婆實與向氏入朝

朝直遙翻

遇達頭之亂遂留長

安舍於鴻臚寺

鴻臚寺主蕃客臚音閭

處羅多居烏孫故地撫御

失道國人多叛復為鐵勒所困

復扶又翻

鐵勒者匈奴之遺

種

種章勇翻

族類最多有僕骨同羅契苾薛延陀等部其酋

長皆號俟斤

酋才由翻長知兩翻俟渠之翻

族姓雖殊通謂之鐵勒大

抵與突厥同俗以寇抄為生無大君長分屬東西兩突

厥是歲處羅引兵擊鐵勒諸部厚稅其物又猜忌薛延

陀恐其為變集其酋長數百人盡殺之於是鐵勒皆叛

立俟利發俟斤契苾歌楞為莫何可汗

苾毗必翻楞盧登翻

又立

薛延陀俟斤字也啞為小可汗

啞昌栗翻
又徒結翻

與處羅戰屢

破之莫何勇毅絕倫甚得衆心為鄰國所憚伊吾高昌

焉耆皆附之

二年春正月辛酉東京成進將作大匠宇文愷位開府

儀同三司

丁卯遣十使併省州縣

使疏吏翻

二月丙戌

詔吏部尚書牛弘等議定輿服儀衛制度

考異曰帝紀云尚書令

牛弘禮部侍郎許善心按弘未嘗為尚書令善心於帝即位之初已左遷蓋紀誤也

以開府儀同

三司何稠為太府少卿使之營造送江都稠智思精巧

思相吏翻博覽圖籍參會古今多所損益衮冕畫日月星辰

皮弁用漆紗為之

書日月星辰山龍華蟲作會周升日月於旌旗而闕三辰今復古制五經

通義弁高五寸前後玉飾詩云會弁如星董巴曰以鹿皮為之何稠用漆紗施象牙簪導弁加簪導自稠始也

又作黃麾三萬六千人仗

黃麾仗汜唐遵而用之大朝會大駕

及輅輦車

輿皇后鹵簿百官儀服務為華盛以稱上意

稱尺課州證翻

縣送羽毛民求捕之網羅被水陸

被皮義翻

禽獸有堪髦毼

之用者殆無遺類

髦昌兩翻毼乃吏翻羽毛飾也

烏程有高樹

烏程屬湖州郡

國志曰古烏氏程氏居此能醢酒故以名縣

踰百尺旁無附枝上有鶴巢民

欲取之不可上

上時掌翻

乃伐其根鶴恐殺其子自拔髦毛

投於地時人或稱以為瑞曰天子造羽儀鳥獸自獻羽

毛所役工十萬餘人用金銀錢帛鉅億計帝每出遊幸

羽儀填街溢路亘二十餘里三月庚午上發江都夏四

月庚戌自伊闕陳法駕備千乘萬騎入東京

隋志伊闕縣舊曰新

城開皇十八年更名屬河南郡北至東京二百餘里乘繩證翻騎奇寄翻

辛亥御端門

唐六典東

京皇城南面三門中曰端門

大赦免天下今年租賦制五品已上文

官乘車在朝弁服佩玉

隋志五品已上服紫自公已下佩水蒼玉朝直遙翻

武官

馬加珂戴幘服袴褶

珂螺屬生海中潔白如雪通俗文曰馬勒飾曰珂溫公類篇曰鵬入

海為珂爾雅翼曰珂黃黑色其骨白可以飾馬此等飾非特取其容兼取其聲故說文貞蘇切貝聲也董巴曰幘起於秦人施於武將初為絳帟以表貴賤珂丘何翻褶音習 文物之盛近世莫及也

六月壬子以楊素為司徒進封豫章王暕為齊王

暕古

限翻

秋七月庚申制百官不得計考增級必有德行功

能灼然顯著者進擢之

行下孟翻

帝頗惜名位羣臣當進職

者多令兼假而已雖有闕員留而不補時牛弘為吏部

尚書不得專行其職別勅納言蘇威左翊衛大將軍宇

文述

帝改左右衛為左右翊衛

左驍衛大將軍張瑾

驍衛堯翻堅

內史侍郎

虞世基御史大夫裴蘊黃門侍郎裴矩參掌選事時人

謂之選曹七貴

選宣應翻

雖七人同在坐

坐徂卧翻

然與奪之筆

虞世基獨專之受納賄賂多者超越等倫無者注色而

已

注其入仕所歷之色也宋末參選者具脚色狀今謂之根脚

蘊邃之從曾孫也

裴邃

為梁將著功名從才用翻

元德太子昭自長安來朝

帝令昭留守長安朝直遙

翻數月將還欲乞少留

少詩沼翻

帝不許拜請無數體素肥

因致勞疾甲戌薨

考異曰雜記云初太子之遭疾也時與楊素同在侍宴帝既深忌於素

並起二厄同至傳酒者不悟是藥酒錯進太子既飲二日而毒發下血二斗餘宮人聞素平常始知毒酒誤飲太子祕不敢言太子知之歎曰豈意代楊素死乎數日而薨後素亦竟以毒斃按它書皆無此說蓋時人見太子與素相繼死妄有此論耳 帝哭之數聲而止尋奏聲伎無異平日

伎渠
綺翻

楚景武公楊素雖有大功特為帝所猜忌外示

殊禮內情甚薄太史言隋分野有大喪乃徙素為楚公

意言楚與隋同分欲以厭之

分扶問翻
厭於葉翻

素寢疾帝每令

名醫診候賜以上藥然密問醫者恒恐不死

診章忍翻
恒戶登翻

素亦自知名位已極不肯餌藥亦不將慎謂其弟約曰

我豈須更活邪乙亥素薨贈太尉公弘農等十郡太守

葬送甚盛

邪音耶守式又翻

八月辛卯封皇孫俠為燕王侗

為越王

俠徒甘翻燕因肩翻侗他紅翻

侑為代王皆昭之子也九月

乙丑立秦孝王子浩為秦王

帝弟秦王俊諡秦孝王

帝以高祖

末年法令峻刻冬十月詔改修律令置洛口倉於鞏

東南原上

鞏縣屬河南郡洛水至鞏縣入河謂之洛口

築倉城周回二十餘

里穿三千窖

窖工孝翻

窖容八千石以還置監官并鎮兵千

人

監古街翻

十二月置回洛倉於洛陽北七里倉城周回十

里穿三百窖

初齊溫公之世

齊主緯周封為溫公

有魚龍山車

等戲謂之散樂

散悲宣翻

周宣帝時鄭譯奏徵之

見一百七十四卷陳

高宗太建十一年散悉亶翻

高祖受禪命牛弘定樂非正聲清商及

九部四舞之色悉放遣之

正聲謂鄭譯等所定之樂也開皇九年平陳置清商署管

宋齊舊樂即清樂也杜佑曰清樂者其始即清商三調是也並漢氏以來舊典樂器形制并歌章古調與魏三祖所作者皆備於史籍屬晉朝遷播夷羯竊據其音分散苻堅平張氏於涼州得之宋武平關中因而入南及隋平陳後文帝聽而善其節奏曰此華夏正聲也因置清商署總謂之清樂帝定清樂西涼龜茲天竺康國疎勒安國高麗禮畢為九部又開皇定令牛弘請存鞞鐸中拂四舞與諸伎並陳因謂之四舞帝以啟

民可汗將入朝欲以富樂誇之太常少卿裴蘊希旨奏

括天下周齊梁陳樂家子弟皆為樂戶

可從刊入聲汗音寒朝直遙翻

富樂音洛少始照翻其六品以下至庶人有善音樂者皆直太常

帝從之於是四方散樂大集東京閱之於芳華苑積翠

池側

芳華苑蓋即西苑

有舍利獸先來跳躍激水滿衢竈鼃龜

鼈水人蟲魚偏覆于地

覆數又翻

又有鯨魚噴霧翳日倏忽

化成黃龍長七八丈

長直亮翻

又二人戴竿上有舞者歛然

騰過左右易處

歛許勿翻

又有神鼈負山幻人吐火千變萬

化伎人皆衣錦繡繒綵

伎渠綺翻衣於既翻

舞者鳴環佩綴花眊

眊乃

課京兆河南製其衣兩京錦綵為之空竭

偽翻為于帝

多製艷篇令樂正白明達造新聲播之音極哀怨

隋置太樂

署清商署各有樂師員帝改樂師為樂正置員十人

帝甚悅謂明達曰齊氏偏隅

樂工曹妙達猶封王

隋志齊後主賞胡戎樂耽愛無已於是繁手淫聲爭新哀怨故曹妙

達安馬駒之徒至有封王開府煬帝溺於淫聲以亡國自况淫昏甚矣

我今天下大同方

且貴汝宜自脩謹

三年春正月朔旦大陳文物時突厥啓民可汗入朝見

而慕之請襲冠帶帝不許明日又率其屬上表固請

九厥

勿翻可從刊入聲汗音寒帥讀曰率上時掌翻

帝大悅謂牛弘等曰今夜冠大

備致單于解辮卿等功也

單音蟬

各賜帛甚厚

三月辛

亥帝還長安

癸丑帝使羽騎尉朱寬入海

開皇六年置武騎屯

騎驍騎游騎飛騎旅騎雲騎羽騎八尉羽騎從九品騎奇寄翻

求訪異俗至流求國而

還

隋書流求國居海島之中當建安郡東水行五日而至是後陳稜自義安擊流求至高華嶼又東行二日

至龜鼉嶼又一日便至流求還從宣翻音如字

初雲定興閭毗坐媚事太子

勇與妻子皆沒官為奴婢

事見上卷開皇二十年

上即位多所營

造聞其有巧思

思相史翻

名之使典其事以毗為朝請郎

開皇

置八郎朝請第
三朝直遙翻

時宇文述用事定興以明珠絡帳賂述

并以奇服新聲求媚於述述大喜凡事之上將有事四

夷大作兵器述薦定興可使監造上從之

監古街翻

述謂定

興曰兄所作器仗並合上心而不得官者為長寧兄弟

猶未死耳定興曰此無用物何不勸上殺之述因奏房

陵諸子

廢太子勇追封房陵王

年並成立今欲興兵誅討若使之

從駕則守掌為難若留於一處又恐不可進退無用請

早處分

處昌呂翻
分扶問翻

帝然之乃鳩殺長寧王儼分徙其七

弟於嶺表仍遣間使於路盡殺之

間古覓翻
使疏吏翻

襄城王恪

之妃柳氏自殺以從恪 夏四月庚辰下詔欲安輯河

北巡省趙魏

省悉
景翻

牛弘等造新律成凡十八篇謂之

大業律甲申始頒行之民久厭嚴刻喜於寬政其後征

役繁興民不堪命有司臨時迫脅以求濟事不復用律

令矣

復扶又翻
又音如字

旅騎尉劉炫預修律令弘嘗從容問炫

曰

騎奇寄翻
絹翻從千容翻

周禮士多而府史少

少詩
治翻

今令史百

倍於前減則不濟其故何也炫曰古人委任責成歲終

考其殿最

殿丁

向翻

案不重校

重直

龍翻

文不繁悉府史之任掌

要目而已今之文簿恒慮覆治

治直

之翻

若鍛鍊不密則萬

里追證百年舊案故諺云老吏抱案死事繁政弊職此

之由也弘曰魏齊之時令史從容而已今則不遑寧處

何故

處昌
呂翻

炫曰往者州唯置綱紀

此綱紀謂

長史司馬

郡置守丞

縣置令而已其餘具僚則長官自辟

長知
兩翻

受詔赴任每

州不過數十今則不然大小之官悉由吏部纖介之迹

皆屬考功

考功侍郎掌內外文武官吏之功課皆具錄當年功過行能而考校之

省官不

如省事官事不省而望從容其可得乎弘善其言而不

能用 壬辰改州為郡改度量權衡並依古式改上柱

國以下官為大夫

舊上柱國下至都督凡十一等今改為光祿左右光祿金紫銀青光祿正

議通議朝請朝散九大夫

置殿內省

殿內省掌諸供奉

與尚書門下內史祕

書為五省增謁者司隸臺

謁者臺掌受詔勞問出使慰撫持節察按及受冤枉而申

奏之司隸臺

與御史為三臺分太府寺置少府監

太府寺止

掌諸巡察

掌左右藏黃藏其尚方司織司染鍠甲弓弩掌冶皆屬少府監少始照翻

與長秋國子將作

都水為五監

改內侍省為長秋監

又增改左右翊衛等為十六府

改左右衛為左右翊衛左右備身為左右驍衛左右武衛依舊名改領軍為左右屯衛加置左右禦衛改左右武候為左右候衛是為十二衛改領左右府為左右備身府左右監門依舊名凡十六府廢伯子男

爵唯留王公侯三等 丙寅車駕北巡己亥頓赤岸澤

五月丁巳突厥啟民可汗遣其子拓特勒來朝

厥九勿翻可從

刊入聲汗音寒朝直遙翻

戊午發河北十餘郡丁男鑿太行山達于

并州以通馳道

行戶剛翻

丙寅啟民遣其兄子毗黎伽特勒

來朝

伽求加翻

辛未啟民遣使請自入塞奉迎輿駕

使疏吏翻

上

不許 初高祖受禪唯立四親廟同殿異室而已

四親廟一

曰皇高祖太原府君廟二曰皇曾祖康王廟三曰皇祖獻王廟四曰皇考太祖武元皇帝廟

帝即位

命有司議七廟之制禮部侍郎攝太常少卿許善心等

時定制尚書省六部各侍郎一人以貳尚書之職諸曹侍郎並改為郎

奏請為太祖高祖

各立一殿

為于偽翻

準周文武二祧與始祖而三

祧土彫翻

餘並

分室而祭從迭毀之法至是有司請如前議於東京建

宗廟帝謂祕書監柳詈曰

詈與辯同

今始祖及二祧已具後

世子孫處朕何所

處昌呂翻

六月丁亥詔為高祖建別廟仍

修月祭禮既而方事巡幸竟不果立 帝過鴈門帝改代州

為鴈門郡太守丘和守手又翻獻食甚精至馬邑帝改朔州為馬邑郡

馬邑太守楊廓獨無所獻帝不悅以和為博陵太守改定

州為博陵郡丘和自邊郡遷內郡以示賞也仍使廓至博陵觀和為式由是

所至獻食競為豐侈戊子車駕頓榆林郡時改勝州為榆林郡帝

欲出塞耀兵徑突厥中指于涿郡厥九勿翻時改幽州為涿郡恐啟

民驚懼先遣武衛將軍長孫晟諭旨晟長知兩翻啟民奉

詔因召所部諸國奚雷室韋等酋長數十人咸集雷居鮮卑

故地保冷陁山南奧支水室韋契丹之類也其南者為契丹其北者為室韋新唐書室韋蓋丁零苗裔也地據黃龍北傍徂越河雷而立翻苗才由翻長知兩翻晟見牙帳中草穢欲令啟民

親除之示諸部落以明威重乃指前草曰此根大香啟

民遽嗅之

嗅許救翻

曰殊不香也晟曰天子行幸所在諸侯

躬自灑掃耕除御路以表至敬之心今牙內蕪穢謂是

留香草耳啟民乃悟曰奴之罪也奴之骨肉皆天子所

賜得効筋力豈敢有辭特以邊人不知法耳賴將軍教

之將軍之惠奴之幸也遂拔所佩刀自芟庭草

芟所街翻

其

貴人及諸部爭效之於是發榆林北境至其牙東達於

薊

涿郡治薊

長三千里

長直亮翻

廣百步

廣古曠翻

舉國就役開為御

道帝聞嚴策益嘉之丁酉啟民及義成公主來朝行宮

朝直

遙翻

已亥吐谷渾高昌並遣使入貢

吐從職入聲谷音浴使疏吏翻

甲

辰上御北樓觀漁於河以宴百僚定襄太守周法尚朝

于行宮

改雲州為定襄郡守式又翻

太守卿元壽言於帝曰漢武出

關旌旗千里

事見二十卷漢武帝元封元年

今御營之外請分為二十

四軍日別遣一軍發相去三十里旗幟相望鉦鼓相聞

首尾相屬

幟昌志翻鉅音
征屬之欲翻

千里不絕此亦出師之盛者

也法尚曰不然兵亘千里動間山川

間古
覓翻

猝有不虞四

分五裂腹心有事首尾未知道路阻長難以相救雖有

故事乃取敗之道也帝不懌曰卿意如何法尚曰結為

方陳

陳讀
曰陣

四面外拒六宮及百官家屬並在其內若有

變起所當之面即令抗拒內引奇兵出外奮擊車為壁

壘重設鉤陳

鉤陳曲陳如鉤象天之鉤
陳星重直龍翻陳如字

此與據城理亦

何異若戰而捷抽騎追奔

騎奇
寄翻

萬一不捷屯營自守臣

謂此萬全之策也帝曰善因拜法尚左武衛將軍啟民可汗復上表以為先帝可汗憐臣賜臣安義公主種種

無乏

可從刊入聲汗音寒復扶又翻上時掌制種章勇翻

臣兄弟嫉妬共欲殺臣

臣當是時走無所適仰視唯天俯視唯地奉身委命依歸先帝先帝憐臣且死養而生之以臣為大可汗還撫

突厥之民

事見一百七十八卷開皇十九年厥九勿翻

至尊今御天下還如

先帝養生臣及突厥之民種種無乏臣荷戴聖恩

荷下可翻

言不能盡臣今非昔日突厥可汗乃是至尊臣民願率

部落變改衣服一如華夏

帥讀曰率夏戶雅翻

帝以為不可秋七

月辛亥賜啟民璽書諭以磧北未靜猶須征戰

璽斯氏翻磧七

亦翻

但存心恭順何必變服帝欲誇示突厥令宇文愷為

大帳其下可坐數千人甲寅帝於城東御大帳備儀衛

宴啟民及其部落作散樂

散昔璽翻

諸胡駭悅爭獻牛羊駝

馬數千萬頭帝賜啟民帛二十萬段其下各有差又賜

啟民路車乘馬鼓吹幡旗

乘繩證翻吹昌瑞翻

贊拜不名位在諸

侯王上又詔發丁男百餘萬築長城西拒榆林東至紫

河隋志定襄郡大利縣有陰山有紫河通典
紫河發源朔州善陽縣金河上承紫河尚書左僕

射蘇威諫上不聽築之二旬而畢帝之徵散樂也太常

卿高頴諫不聽頴退謂太常丞李懿曰周天元以好樂

而亡殷鑒不遠安可復爾好呼到翻復
扶又翻下同頴又以帝遇啟

民過厚謂太府卿何稠曰此虜頗知中國虛實山川險

易易以
鼓翻恐為後患又謂觀王雄曰雄自安德郡王改
封觀王觀古玩翻近

來朝廷殊無網紀禮部尚書宇文弼私謂頴曰天元之

侈以今方之不亦甚乎又言長城之役幸非急務光祿

大夫賀若弼亦私議宴可汗太多並為人所奏帝以為

誹謗朝政丙子高頴宇文弼賀若弼皆坐誅

弼古弼字若人者翻

朝直遙翻下同

頴諸子徙邊弼妻子沒官為奴婢事連蘇威亦

坐免官頴有文武大略明達世務自蒙寄任竭誠盡節

進引貞良以天下為己任蘇威楊素賀若弼韓擒虎皆

頴所推薦自餘立功立事者不可勝數

勝音升

當朝執政

將二十年朝野推服物無異議海內富庶頴之力也及

死天下莫不傷之先是蕭琮以皇后故甚見親重

先悉薦翻

為內史令改封梁公宗族總麻以上皆隨才擢用諸蕭

昆弟布列朝廷琮性澹雅不以職務為意身雖羈旅見

北間豪貴無所降下

澹徒覽翻
下遐嫁翻

與賀若弼善弼既誅又

有童謠曰蕭蕭亦復起帝由是忌之遂廢於家未幾而

卒

幾居豈翻
卒子恆翻

八月壬午車駕發榆林歷雲中泝金河

隋志榆林郡有金河縣杜佑曰單于都護府秦漢雲中郡地也治金河縣縣有金河上承紫河宋白曰金河縣

即漢盛時天下承平百物豐實甲士五十餘萬馬十萬

樂縣地

匹旌旗輜重千里不絕

重直用翻

令宇文愷等造觀風行殿

上容侍衛者數百人離合為之下施輪軸倏忽推移又

作行城周二千步以板為榦衣之以布

衣於既翻

飾以丹青

樓櫓悉備胡人驚以為神每望御營十里之外屈膝稽

顙無敢乘馬

稽音啟

啟民奉廬帳以俟車駕乙酉帝幸其

帳啟民奉觴上壽跪伏恭甚

上時掌翻下同

王侯以下袒割於

帳前

袒而割肉

莫敢仰視帝大悅賦詩曰呼韓頓顙至屠耆

接踵來何如漢天子空上單于臺

上時掌翻單音蟬

皇后亦幸

義成公主帳帝賜啟民及公主金甕各一并衣服被褥

錦綵特勒以下受賜各有差帝還啟民從入塞己丑遣

歸國癸巳入樓煩關

樓煩郡治靜樂縣縣有關官

壬寅至太原詔營

晉陽宮帝謂御史大夫張衡曰朕欲過公宅可為朕作

主人

過工未翻
為子偽制

衡乃先馳至河內具牛酒

張衡河內人
帝改懷州為

河內郡

帝上太行開直道九十里

開直道抵張衡所居行戶剛翻

九月己

未至濟源

開皇十六年置濟源縣屬河內郡濟子禮翻

幸衡宅帝悅其山泉

留宴三日賜賚甚厚衡復獻食

賚來代翻
復扶又翻

帝令頒賜公

卿下至衛士無不霑洽己巳至東都壬申以齊王賧

為河南尹癸酉以民部尚書楊文思為納言 冬十月

勅河南諸郡送一藝戶陪東都三千餘家置十二坊於

洛水南以處之

藝戶謂其家以技藝多者陪助也處昌呂翻

西域諸胡多至

張掖交市

帝改甘州為張掖郡交市為互市也

帝使吏部侍郎裴矩掌之

矩知帝好遠略商胡至者矩誘訪諸國山川風俗王及

庶人儀形服飾撰西域圖記三卷合四十四國入朝奏

之

好呼報勑誘音酉撰士免勑朝在遙勑下同

仍別造地圖窮其要害從西

傾以去

西傾山在隴西臨洮縣西南洮水之所出也

縱橫所亘將二萬里發

自敦煌

帝改瓜州為敦煌郡敦煌徒門翻

至于西海

此西海在條支西

凡為三道

北道從伊吾中道從高昌南道從鄯善

伊吾唐為伊州高昌唐為西州

鄯善唐為納縛波地鄯時戰翻

總湊敦煌且云以國家威德將士驍雄

將即亮翻驍堅亮翻

汎濛汜而越崑崙易如反掌

蒙汜蒙谷之水也日所入處史

記曰禹本紀言河出崑崙汎濛汜

但突厥吐渾分領羌胡之

國為其壅遏故朝貢不通

吐從瞰入聲朝直遙翻

今並因商人密

送誠款引領翹首願為臣妾若服而撫之務存安輯皇

華遣使弗動兵車諸蕃既從渾厥可滅混壹戎夏其在

茲乎

渾厥謂吐谷渾突厥也使疏吏翻厥九勿翻夏戶雅翻

帝大悅賜帛五百段

日引矩至御坐親問西域事矩盛言胡中多諸珍寶吐

谷渾易可并吞

谷音浴易弋肢翻

帝於是慨然慕秦皇漢武之

功甘心將通西域四夷經略咸以委之以矩為黃門侍

郎復使至張掖引致諸胡啗之以利勸令入朝

復扶又翻啗徒

濫翻又徒覽翻

自是西域胡往來相繼所經郡縣疲於送迎糜

費以萬萬計卒令中國疲弊以至於亡

卒子恆翻

皆矩之唱

導也鐵勒寇邊帝遣將軍馮孝慈出敦煌擊之不利

鐵勒尋遣使謝罪請降

降戶剛翻

帝使裴矩慰撫之

資治通鑑卷一百八十

欽定四庫全書

資治通鑑卷一百八十一 宋 司馬光 撰

胡三省 音註

隋紀五

起著雍執徐盡玄
默泥灘凡五年

煬皇帝上之下

大業四年春正月乙巳詔發河北諸軍百餘萬穿永濟

渠引沁水南達于河北通涿郡

班志沁水出上黨穀遠
縣羊頭山世靡谷師古

曰今至懷州武陟縣界入河穀遠隋為沁源縣沁七鴟
翻 考異曰雜記三年六月敕開永濟渠引汾水入河

於汾水東北開渠合渠水至於涿郡二千餘里通
龍舟按永濟渠即今御河未嘗通汾水雜記誤也 丁男

不供始役婦人 壬申以太府卿元壽為內史令 裴

矩聞西突厥處羅可汗思其母請遣使招懷之二月已

如帝遣司朝謁者崔君肅齎詔書慰諭之

帝置謁者臺大夫一人置

司朝謁者二人以貳之處昌呂翻厥九勿翻可從刊入
聲汗音寒使疏吏翻朝直遙翻 考異曰隋帝紀作崔

穀今從西
突厥傳

處羅見君肅甚踞受詔不肯起君肅謂之曰

突厥本一國中分為二每歲交兵積數十歲而莫能相

滅者明知其勢敵耳然啓民舉其部落百萬之衆卑躬

折節入臣天子者其故何也

折而列翻

正以切恨可汗不能

獨制欲借兵於大國共滅可汗耳羣臣咸欲從啓民之

請天子既許之師出有日矣顧可汗母向夫人

可從刊入聲汗

音寒向式亮翻

懼西國之滅旦夕守闕哭泣哀祈匍匐謝罪請

發使名可汗令入內屬天子憐之故復遣使至此

匍匐音

蒲北翻使疏吏翻下同今力丁翻復扶又翻

今可汗乃踞慢如此則向夫人

為誑天子

誑居況翻

必伏尸都市傳首虜庭

虜庭謂啓民庭

發大隋

之兵資東國之衆左提右挈以擊可汗亡無日矣奈何

愛兩拜之禮絕慈母之命惜一語稱臣使社稷為墟乎

處羅矍然而起

處昌呂翻
雙居縛翻

流涕再拜跪受詔書因遣使

者隨君肅貢汗血馬

三月壬戌倭王多利思比孤

隋書

倭國在百濟新羅東南水陸三千里於大海之中依山
島而居都於邪靡堆則魏志所謂邪馬臺者也在會稽
之東與儋耳相近杜佑曰倭在帶方東南大海中去遼
東萬二千里大較在閩川會稽之東亦與朱崖儋耳相
近自謂太伯之後一名日本自云
國在日邊因以為稱倭鳥未翻

入貢遺帝書曰

遺千
季翻

日出處天子致書日沒處天子無恙

恙余
亮翻

帝覽之不悅

謂鴻臚卿曰

臚凌
如翻

蠻夷書無禮者勿復以聞

復扶
又翻

乙

丑車駕幸五原

帝改豐州為五原部

因出塞巡長城

去年所築者

行宮

設六合板城

隋志帝北巡出塞行宮設六合城方一百二十步高四丈二尺六合以木為之方一

尺外面一方有板離合為之塗以青色壘六板為城高三丈六尺上加女牆板高六尺開南北門又於城西角起樓敵二門觀門樓檻皆丹青綺畫又造六合殿千人帳載以槍車車載六合三板其車輪解合交叉即為馬槍皆車上張幕幕下張平一弩傳矢五人更守兩車之間施車輪馬槍皆外其轆以為外圍次內布鐵菱次內施蟄韃中施弩牀長六尺濶三尺牀枕陛挿銅錐皆長五寸謂之蝦鬚皆施機闕張則錐皆外向其牀上施旋機弩以繩連弩機人從外來觸繩則弩機旋轉向所觸而發其外又以贈周圍行宮二丈一鈴一柱柱舉贈去地二尺五寸當行宮南北門施槌磬連贈以機發之有人觸贈則衆鈴發響槌擊兩磬以知所警名為擊磬

考異曰雜記云帝幸啓民帳造行城周載以槍車每頓二千步高二十餘丈今從隋禮儀志

舍則外其轅以為外圍內布鐵菱

爾雅翼曰今軍旅以鐵作茨以布敵路謂

之鐵蒺藜或云鐵蒺藜菱角起於煬帝征遼為之然六韜中已有此物晁錯傳謂之渠答次施弩牀

皆挿鋼錐

鋼音剛精鐵也

外向上施旋機弩以繩連機人來觸

繩則弩機旋轉向所觸而發其外又以矰周圍施鈴柱

槌磬以知所警

矰作滕翻槌直追翻

帝募能通絕域者屯田主事

常駿等請使赤土

屯田曹屬工部尚書尚書諸曹各有主事流外吏職也隋書赤土國扶南

之別種在南海中水行百餘日而達所都土色多赤因以為號杜佑曰崖州直南水行便風十餘日到赤土國

其國到五月日亭午物影都在南一日三食飯皆旋炊不然遂巡過時即便臭敗熱氣特甚使覘利翻帝

大悅丙寅命駿齋物五千段以賜其王赤土者南海中

遠國也

帝無日不治宮室

治直之翻

兩京及江都苑囿亭

殿雖多久而益厭每遊幸左右顧矚矚之欲翻無可意者不

知所適乃備責天下山川之圖躬自歷覽以求勝地可

置宮苑者夏四月詔於汾州之北汾水之源營汾陽宮

隋志樓煩郡汾源縣舊奇嵐也大業四年改為靜樂有汾陽宮管汾山天池汾水十三州志汾水出武州之燕

京山管汾之異名也水經注燕京山上有大池世謂之天池按煬帝起汾陽宮環天池詳見後五臺註

初元德太子薨

見上卷二年

河南尹齊王暕次當為嗣元德

吏兵二萬餘人悉隸於暕

限暕古翻

帝為之妙選僚屬

偽為子翻

以光祿少卿柳謩之為齊王長史

少始照翻謩九輩翻長知兩翻

且戒

之曰齊王德業修備富貴自鍾卿門

鍾聚也

若有不善罪

亦相及謩之慶之從子也

柳慶事字文泰從才用翻

暕寵遇日隆百

官趨謁聞咽道路暕以是驕恣昵近小人

聞四年翻昵尼質翻近其

翻所為多不法遣左右喬令則庫狄仲錡

庫狄複姓錡魚豈翻

陳

智偉求聲色令則等因此放縱訪人家有美女輒矯暕

命呼之載入陳第淫而遣之仲錡智偉詣隴西搆炙諸

胡責其名馬

帝改渭州為隴西郡搆側爪翻

得數匹以進陳陳令還主

仲錡等詐言王賜取歸其家陳不知也樂平公主嘗奏

帝言柳氏女美

樂平公主周天元后也樂音洛

帝未有所答久之主復

以柳氏進陳

復扶又翻

陳納之其後帝問主柳氏女安在主

曰在齊王所帝不悅陳從帝幸汾陽宮大獵詔陳以千

騎入圍

騎奇寄翻

陳大獲麋鹿以獻而帝未有得也乃怒從

官皆言為陳左右所遏獸不得前

從才用翻

帝於是發怒求

陳罪失時制縣令無故不得出境有伊闕令皇甫詡得

幸於陳違禁攜之至汾陽宮御史韋德裕希旨劾奏陳

又戶得効戶槩翻

帝令甲士千餘人大索陳第

令力丁翻索山客翻

因窮

治其事

治直之翻

陳妃韋氏早卒

卒子恤翻

陳與妃姊元氏婦通

產一女陳召相工

相息亮翻

令徧視後庭相工指妃姊曰此

產子者當為皇后陳以元德太子有三子

三子侑俠伺

恐不

得立陰挾左道為厭勝

厭於葉翻

至是皆發帝大怒斬令則

等數人賜妃姊死陳府僚皆斥之邊遠抑塞之坐不能

匡正除名

謗九輩翻

時趙王杲尚幼帝謂侍臣曰朕唯有暕

一子不然者當肆諸市朝以明國憲暕自是恩寵日衰

雖為京尹不復關預時政帝恒令虎賁郎將一人監其

府事

帝制十二衛每衛置護軍四人掌副貳將軍無則一人攝尋改護軍為虎賁郎將正四品朝直遙翻

復扶又翻恒戶登翻令力丁翻賁音奔將即亮翻監古銜翻

暕有微失虎賁輒奏之

帝亦常慮暕生變所給左右皆以老弱備員而已太史

令庾質季才之子也其子為齊王屬

隋王府有掾有屬

帝謂質

曰汝不能一心事我乃使兒事齊王何向背如此

背蒲妹翻

對曰臣事陛下子事齊王實是一心不敢有二帝猶怒

出為合水令

開皇十六年置合水縣為慶州治所帝改慶州為弘化即唐改合水縣為安化

乙卯詔以突厥啓民可汗

厥九勿翻可從刊入聲汗音寒

遵奉朝化思

改戎俗宜於萬壽戍置城造屋其帷帳牀褥以上務從

優厚 秋七月辛巳發丁男二十餘萬築長城自榆谷

而東

此榆谷當在榆林西

裴矩說鐵勒

說式芮翻

使擊吐谷渾大破

之吐谷渾可汗伏允東走入西平境內

帝改鄯州為西平郡吐讀瞰入

聲谷音浴可從刊入聲汗音寒遣使請降求救帝遣安德王雄出澆河

前已書觀王雄此復書安德王雄何也按雄傳雄從帝征吐谷渾還方徙封觀王高類誅之時雄尚為安德王

通鑑因舊史成文而書之耳帝改廓州為許公宇文述澆河郡使疏吏翻降戶江翻澆古堯翻

出西平迎之

宇文述封許國公

述至臨羌城

漢臨羌縣城也

吐谷渾畏

述兵盛不敢降帥衆西遁

帥讀曰率

述引兵追之拔曼頭赤

水二城

隋志帝平吐谷渾置河源郡於古赤水城管下有曼頭城曼音萬

斬三千餘級

獲其王公以下二百人虜男女四千口而還

還從宣翻又如字下

同伏允南奔雪山

此即蜀西山之西雪山也

其故地皆空東西四千

里南北二千里皆為隋有置州縣鎮戍

置鄯善且末西海河源四郡顯

武濟遠肅寧伏戎宣德威定遠
化赤水等縣志云置於五年

天下輕罪徙居之 八

月辛酉上親祠恒岳

恒岳北岳恒山恒戶登翻

赦天下河北道郡守

畢集

守式又翻

裴矩所致西域十餘國皆來助祭

考異曰裴矩傳云

三年誤也今從帝紀

九月辛未徵天下鷹師悉集東京

鷹師善調習鷹

隼者至者萬餘人

冬十月乙卯頒新式

去年四月壬辰改度量權

衡並依古式今頒於天下

常駿等至赤土境赤土王利富多塞遣

使以三十舶迎之進金鑠以纜駿船

使既吏翻下同舶莫百翻鑠蘇果翻

凡汎海百餘日入境月餘乃至其都

赤土所都名僧祇城

其王居

處

處昌呂翻

器用窮極珍麗待使者禮亦厚遣其子那邪迦

隨駿入貢

迦音加

帝以右翊衛將軍河東薛世雄為王

門道行軍大將

帝改蒲州為河東郡隋志玉門縣屬敦煌郡改行軍總管為行軍大將將即亮

翻與突厥啓民可汗連兵擊伊吾

厥九勿翻可從刊入聲汗音寒考異曰

世雄擊伊吾帝紀無之本傳前有從帝征吐谷渾後云歲餘以世雄為玉門大將與突厥啓民可汗擊伊吾然則似在大業六七年也按是時啓民已卒伐吐谷渾之歲伊吾吐屯設厥地數千里恩寵甚厚隋何故伐之今殺在獻師出玉門啓民不至世雄孤軍度磧伊吾初謂地之前

隋軍不能至皆不設備聞世雄軍已度磧大懼請降

流沙

亦謂之磧磧七

迹翻降戶江翻世雄乃於漢故伊吾城東築城留銀青

光祿大夫王威以甲卒千餘人戍之而還

還從宣翻又音如字

五年春正月丙子改東京為東都突厥啓民可汗來

朝禮賜益厚

厥九勿翻可從刊入聲汗音寒朝直遙翻

癸未詔天下均田

戊子上自東都西還己丑制民間鐵叉搭鉤積刃

之類皆禁之

搭多臘翻積作管翻

二月戊申車駕至西京三

月己巳西巡河右乙亥幸扶風舊宅

河右河西武威諸郡地帝改岐州為

扶風夏四月癸亥出臨津關

臨津關常在枹罕界臨河津水經注河水自澆河東

流逕邯川城南又東逕臨津城北白土城南為緣河濟渡之地

度黃河至西平陳兵講

武將擊吐谷渾五月乙亥上大獵於拔延山

隋志西平郡化隆縣

有拔延山杜祐曰拔延山在廓州廣威縣隋煬帝征吐渾經此山吐從賊入聲谷音浴

長圍亘二

十里

考異曰隋唐紀作二千里疑二十里字誤

庚辰入長寧谷

長寧谷在古晉昌郡

界水經注湟水逕臨羌縣故城南又東長寧川水注之長寧水東南流逕晉昌川又有長寧亭亭北有養女嶺

即浩豐西平之北山度星嶺丙戌至浩豐川

水經注浩豐河出塞外逕西平之鮮谷塞

又東逕養女北山東南隋志西平郡湟水縣有舊浩豐縣浩豐音告門浩又音閣

以橋未成斬

都水使者黃亘及督役者九人

帝改都水監為都水使者考異曰隋帝紀云

梁浩豐御馬度而
橋壞今從略記

數日橋成乃行吐谷渾可汗伏允帥

衆保覆袁川

可從刊入聲汗音寒帥讀曰率

帝分命內史元壽南屯金

山兵部尚書段文振北屯雪山太僕卿楊義臣東屯琵琶峽將軍張壽西屯泥嶺四面圍之伏允以數十騎遁

出遣其名王詐稱伏允保車我真山

騎奇寄翻車昌遮翻

壬辰詔

右屯衛大將軍張定和往捕之定和輕其衆少不被甲

挺身登山吐谷渾伏兵射殺之

少詩沼翻被皮義翻射而亦翻

其亞將

柳武建擊吐谷渾破之

將即亮翻

甲午吐谷渾仙頭王窮蹙

蹶與
感翻

帥男女十餘萬口來降

帥讀曰率
降戶江翻

六月丁酉遣左

光祿大夫梁默等追討伏允兵敗為伏允所殺衛尉卿

劉權出伊吾道擊吐谷渾至青海

隋志西海郡有青海
吐谷渾傳青海在伏

俟城東周
回千餘里

虜獲千餘口乘勝追奔至伏俟城

吐谷渾都
伏俟城在

青海西
十五里

辛丑帝謂給事郎蔡徵曰自古天子有巡狩之

禮而江東諸帝多傅脂粉坐深宮不與百姓相見此何

理也對曰此其所以不能長世丙午至張掖

帝改耳州
為張掖郡

帝之將西巡也命裴矩說高昌王麴伯雅

麴姓也漢末
有西平麴演

說翰
芮翻

及伊吾吐屯設等

吐屯設意突厥
所置以守伊吾

咱以厚利召使

入朝壬子帝至燕支山

隋志武威郡番禾縣有燕支山
咱徒濫翻又徒覽翻朝直遙翻

燕因
肩翻

伯雅吐屯設等及西域二十七國謁於道左皆令

佩金玉被錦罽

令力丁翻被皮
義翻罽音計

焚香奏樂歌舞誼課帝

復令武威張掖士女盛飾縱觀衣服車馬不鮮者郡縣

督課之騎乘填咽

騎奇寄翻
乘繩證翻

周亘數十里以示中國之

盛吐屯設獻西域數千里之地上大悅癸丑置西海河

源鄯善且末等郡

西海郡置於伏俟城河源郡置於赤
水城鄯善郡置於古樓蘭城且末郡

置於古且末城鄯道元曰且末城東去鄯善郡七百二十里鄯時戰翻且子閭翻 謫天下罪人

為戍卒以守之命劉權鎮河源郡積石鎮

志云河源郡有積石山河

所出也杜佑曰積石山在西平郡龍支縣南

大開屯田扞禦吐谷渾以通西

域之路是時天下凡有郡一百九十縣一千二百五十

戶八百九十萬有奇

奇居宜翻

東西九千三百里南北萬

四千八百一十五里隋氏之盛極於此矣帝謂裴矩有

綏懷之畧進位銀青光祿大夫自西京諸縣及西北諸

郡皆轉輸塞外每歲鉅億萬計經途險遠及遇寇鈔

鈔楚

交翻人畜死亡不達者郡縣皆徵破其家由是百姓失業

西方先困矣初吐谷渾伏允使其子順來朝

吐從職入聲谷音浴

朝直送翻帝留順不遣伏允敗走無以自資帥數千騎客於

党項

隋書党項羌者三苗之後也其種有宕昌白狼皆自稱獼猴種東接臨洮西平西拒葉護南北數千

里處山谷間每姓別為部落帥讀曰率党他朗翻

帝立順為可汗

可從刊入聲汗音寒

送

至玉門令統其餘衆以其大寶王尼洛周為輔

統他綜翻尼女

至西平其部下殺洛周順不果入而還

還從宣翻又音如字

丙

辰上御觀風殿

即觀風行殿也

大備文物引高昌王麴伯雅及

伊吾吐屯設升殿宴飲

考異曰略記在六月壬寅今從隋帝紀

其餘蠻夷

使者陪階庭者二十餘國奏九部樂

杜佑曰煬帝立清樂龜茲西凉天竺

康國疏勒安國高麗禮畢為九部使疏吏翻

及魚龍戲以娛之賜賚有差戊

午赦天下吐谷渾有青海俗傳置牝馬於其上得龍種

吐谷渾傳青海中有小山其俗至冬輒放牝馬於其上言得龍種吐谷渾嘗得波斯草馬放入青海因生驄駒

能日行千里時稱青海驄種章勇翻

秋七月置馬牧於青海縱牝馬二千

匹於川谷以求龍種無効而止車駕東還經大斗拔谷

還從宣翻又如字新唐志凉州西二百里有大斗軍本赤水守捉開元十六年為軍因大斗拔谷為名

山

路隘險魚貫而出

單行相次若貫魚然

風雪晦冥文武饑餒沾濕

夜久不逮前營

逮及也

士卒凍死者大半

考異曰帝紀在六月癸卯按

西邊地雖寒不容六月大雪凍死人畜今從畧記略記作達十拔谷今從帝紀

馬驢什八九後

宮妃主或狼狽相失與軍士雜宿山間九月乙未車駕

入西京冬十一月丙子復幸東都

復扶又翻

民部侍郎裴

蘊以民間版籍脫漏戶口及詐注老小尚多奏令貌閱

令力丁翻閱其貌以驗老小

若一人不實則官司解職又許民糾得

一丁者令被糾之家代輸賦役

被皮義翻

是歲諸郡計帳進

丁二十萬三千新附口六十四萬一千五百帝臨朝覽

狀

朝直遙翻

謂百官曰前代無賢才致此罔冒今戶口皆實

全由裴蘊由是漸見親委未幾擢授御史大夫與裴矩

虞世基參掌機密蘊善候伺人主微意

幾居豈翻伺相吏翻

所欲

罪者則曲法鍛成其罪所欲宥者則附從輕典因而釋

之是後大小之獄皆以付蘊刑部大理莫敢與爭必稟

承進止然後決斷

斷丁亂翻

蘊有機辯言若懸河或重或輕

皆由其口剖析明敏時人不能致詰

書曰知人則哲能官人史言知人善

任之

突厥啓民可汗卒

厥九勿翻可從列入
聲汗音寒卒子恤翻

上為之

廢朝三日

為于偽翻朝
直遙翻下同

立其子咄吉

咄當
沒翻

是為始畢可

汗表請尚公主詔從其俗

初內史侍郎薛道衡以才

學有盛名久當樞要高祖末出為襄州總管

帝改襄州
為襄陽郡

帝即位自蕃州刺史召之

隋志廣州仁壽元年改蕃州
益因蕃禺以名州帝改為南

海郡蕃依漢
書音義音潘

欲用為秘書監道衡既至上高祖文皇帝

頌

上時
掌翻

帝覽之不悅顧謂蘇威曰道衡致美先朝

致極
也

此魚藻之義也

詩小序曰魚藻刺幽王也言萬物失其
性王居鎬京將不能以自樂故君子思

古之武王焉

拜司隸大夫將置之罪司隸刺史房彥謙勸道

衡杜絕賓客卑辭下氣

帝置司隸大夫一人為司隸臺率又置司隸刺史十四人正六

品巡察畿外諸郡

道衡不能用會議新令久不決道衡謂朝士

曰向使高頔不死令決當久行有人奏之帝怒曰汝憶

高頔邪

朝直遙翻頔居永翻邪音耶

付執法者推之

推尋繹也推考而尋繹其事也

裴蘊奏道衡負才恃舊有無君之心推惡於國

推吐雷翻

妄

造禍端論其罪名似如隱昧原其情意深為悖逆

悖蒲內翻

又蒲沒翻

帝曰然我少時與之行役

謂伐陳時少詩照翻

輕我童稚

推遲

二與高頴賀若弼等外擅威權若人及我即位懷不自

安賴天下無事未得反耳公論其逆妙體本心道衡自

以所坐非大過促憲司早斷亂斷冀奏日帝必赦之敕

家人具饌以備賓客來候者饌雖戀翻及奏帝令自盡

道衡殊不意未能引決憲司重奏縊而殺之妻子徙且

末令力丁翻重直龍翻天下寃之帝大閱軍實稱器

甲之美宇文述因進言此皆雲定興之功帝即擢定興

為太府丞

六年春正月癸亥朔未明三刻有盜數十人素冠練衣

焚香持華自稱彌勒佛入自建國門

釋氏之說以為釋迦佛衰謝彌勒佛

出世故盜稱之以為奸建國門蓋東都皇城端門也唐六典云武德五年平王世充惡其壯麗焚乾陽殿及建國門華讀曰花

考異曰雜記在

監門者皆稽首

監古衙翻

稽音啓既而奪衛士仗將為亂齊王暕遇而斬之於是都

下大索

暕古限翻索山客翻

連坐者千餘家

帝以諸蕃酋長畢

集洛陽

酋才由翻長知兩翻

丁丑於端門街

洛陽皇城端門外之街

盛陳百

戲戲場周圍五千步執絲竹者萬八千人聲聞數十里

聞音問 自昏至旦燈火光燭天地終月而罷所費巨萬自

是歲以為常

丁丑正月十五日今人元宵行樂蓋始盛於此

諸蕃請入豐都市

交易

東都東市曰豐都南市曰大同北市曰通遠

帝許之先命整飾店肆簷

宇如一盛設帷帳珍貨充積人物華盛賣菜者亦藉以

龍須席

龍須席以龍須草織成今淮上安慶府居人多能織龍須席

胡客或過酒食

店

過工未翻

悉令邀延就坐

坐但卧翻

醉飽而散不取其直給之

曰中國豐饒酒食例不取直胡客皆驚歎其黠者頗覺

之

給徒亥翻黠戶八翻慧也

見以繒帛纏樹曰中國亦有貧者衣不

蓋形何如以此物與之纏樹何為市人慚不能答帝稱

裴矩之能謂羣臣曰裴矩大識朕意凡所陳奏皆朕之

成算未發之頃矩輒以聞自非奉國盡心孰能若是是

時矩與右翊衛大將軍宇文述內史侍郎虞世基御史

大夫裴蘊光祿大夫郭衍皆以諂諛有寵述善於供奉

容止便辟

便毗連翻
辟讀曰僻

侍衛者咸取則焉郭衍嘗勸帝五

日一視朝

朝直遙翻
翻下同

曰無効高祖空自勤苦帝益以為

忠曰唯有郭衍心與朕同帝臨朝凝重

朝直遙翻

發言降詔

辭義可觀而内存聲色其在兩都及巡遊常以僧尼道

士女官自隨

女官即女道士

謂之四道場梁公蕭鉅琮之弟子

千牛左右宇文晶慶之孫也

隋制千牛備身左右十二人掌供御弓箭宇文慶見

一百七十三卷陳高宗太建十一年

晶戶了翻皆有寵於帝帝每日於苑中林

亭間盛陳酒饌

饌雖脫翻又雖懸翻

敕燕王倓與鉅晶及高祖嬪

御為一席

倓徒耳翻嬪毗賓翻

僧尼道士女官為一席帝與諸寵

姬為一席略相連接罷朝即從之

朝直遙翻

宴飲更相勸侑

更工衡翻

酒酣散亂靡所不至以是為常楊氏婦女之美者

往往進御帛出入宮掖不限門禁至於妃嬪公主皆有

醜聲帝亦不之罪也

帝復遣朱寬招撫流求

復扶流又翻

求不從帝遣虎賁郎將廬江陳稜朝請大夫同安張鎮

周發東陽兵萬餘人自義安汎海擊之

賁音奔將即亮翻帝改廬州為

廬江郡熙州為同安郡婺州為東陽郡潮州為義安郡

行月餘至其國以鎮周為

先鋒流求王渴刺兜

刺廬達翻

遣兵逆戰屢破之遂至其都

流求國王所居曰婆羅檀洞壑

壑渴刺兜自將出戰

將即亮翻

又敗退入柵稜等乘勝攻拔之斬渴刺兜虜其民萬餘

口而還

還從宣翻
又如字

二月乙巳稜等獻流求俘頒賜百官

進稜位右光祿大夫鎮周金紫光祿大夫 乙卯詔以

近世茅土妄假名實相乖自今唯有功勲乃得賜封仍

令子孫承襲於是舊賜五等爵非有功者皆除之 庚

申以所徵周齊梁陳散樂

散悉但翻

悉配太常皆置博士弟

予以相傳授樂工至三萬餘人 三月癸亥帝幸江都

宮 初帝欲大營汾陽宮令御史大夫張衡具圖奏之

考異曰張衡傳云帝幸衡宅之明年幸汾陽宮
又云明年復幸汾陽宮按今紀皆無其事恐傳誤 衡乘

間進諫曰比年勞役繁多

間古莧翻
比毗至翻

百姓疲弊伏願留

神稍加抑損帝意甚不平後目衡謂侍臣曰張衡自謂

由其計畫令我有天下也

丁令力翻

乃錄齊王暕携皇甫朔

從駕及前幸涿郡祠恒岳時父老謁見者衣冠多不整

暕古限翻
恒戶登翻
從才用翻
見賢遍翻

譴衡以憲司不能舉正

張衡為御史大夫故

譴之以憲
司職分

出為榆林太守久之衡督役築樓煩城

大業四年

置樓煩郡後魏之嵐州也本漢之汾陽
縣地時置汾陽宮故築城守式入翻

因帝巡幸得謁

帝帝惡衡不損瘦

惡烏路翻

以為不念咎謂衡曰公甚肥澤

宜且還郡復遣之榆林

還從宣翻又音如字復扶又翻又音如字

未幾

敕衡

督役江都宮禮部尚書楊玄感使至江都

幾居豈翻使疏吏翻

衡

謂玄感曰薛道衡真為枉死玄感奏之江都郡丞王世

充又奏衡頗減頓具帝於是發怒鎖詣江都市將斬之

久乃得釋除名為民放還田里以王世充領江都宮監

世充本西域胡人姓支氏父沒幼從其母嫁王氏因冒

其姓世充性譎詐有口辯頗涉書傳好兵法習律令

古謫

穴翻傳直惡翻

帝數幸江都

數所

世充能伺候顏色為阿

好呼到翻下同

角翻

諛雕飾池臺奏獻珍物由是有寵

為王世充乘時僭竊張本伺相吏翻

夏六月甲寅制江都太守秩同京尹

隋制京尹正三品

冬十

二月己未文安憲侯牛弘卒

按牛弘傳弘爵奇章郡公卒贈文安縣侯謚曰憲此

書其贈謚也隋志文安縣屬河間郡卒子恤翻

弘寬厚恭儉學術精博隋室舊

臣始終信任悔吝不及者唯弘一人而已弟弼好酒而

酌

酌香句翻醉怒也

嘗因醉射殺弘駕車牛

射而亦翻

弘來還宅

還從

宣翻又音如字

其妻迎謂之曰叔射殺牛弘無所怪問直答云

作脯坐定其妻又曰叔忽射殺牛大是異事弘曰已知

之矣顏色自若讀書不輟 敕穿江南河自京口至餘

杭八百餘里

今浙西運河自杭州達鎮江府入大江是也鎮江古京口也帝改杭州為餘杭郡

廣十餘丈

廣古曠翻

使可通龍舟并置驛宮草頓欲東巡會

稽

帝改越州復曰會稽郡會古外翻

上以百官從駕皆服袴褶

從才用翻

習

於軍旅間不便是歲始詔從駕涉遠者文武官皆

戎衣五品以上通着紫袍六品以下兼用緋綠

自此文武官常

服遂以為品色若則略翻緋音非

胥史以青庶人以白屠商以皂

皂才早翻

士卒以黃 帝之幸啓民帳也

見上卷三年

高麗使者在啓

民所

麗力知翻
使疏吏翻

啓民不敢隱與之見帝

見賢
遍翻

黃門侍郎

裴矩說帝曰高麗本箕子所封之地漢晉皆為郡縣

周武

王封箕子於朝鮮秦末衛滿據之傳國至孫右渠漢武帝滅之開為四郡漢末公孫度據之傳國至孫淵魏滅

之至晉皆為郡縣高麗之先出於夫餘朱蒙建國號高句驪以高為氏魏晉以來中國兵亂高麗內侵併有遼

東地說輸芮翻朝漢書音義音潮

今乃不臣別為異域先帝欲征之久

矣但楊諒不肖師出無功

事見一百七十八
卷開皇十八年

當陛下之

時安可不取使冠帶之境遂為蠻貊之鄉乎今其使者

親見啓民舉國從化可因其恐懼脇使入朝

朝直遙
下同帝

從之敕牛弘宣旨曰朕以啓民誠心奉國故親至其帳

明年當往涿郡爾還日語高麗王

還從宣翻又音如字語牛倨翻麗力知翻

勿自疑懼存育之禮當如啓民苟或不朝將帥啓民往

巡彼土

帥讀曰率

高麗王元懼藩禮頗闕帝將討之課天下

富人買武馬匹至十萬錢簡閱器仗務令精新或有濫

惡則使者立斬

令力丁翻

七年春正月壬寅真定襄侯郭衍卒

真定縣侯也隋志恒山郡治真定縣

辛子恤翻

二月己未上升釣臺臨楊子津大宴百僚乙亥

帝自江都行幸涿郡御龍舟度河入永濟渠仍勅選部

門下內史御史四司之官於船前選補

選部之選宣慰
翻選補之選如

字其受選者三千餘人或徒步隨船三千餘里不得處

分

處昌呂翻
分扶問翻

凍餒疲頓因而致死者什一二 壬午下

詔討高麗敕幽州摠管元弘嗣

大業初已廢諸州總管
府此書元弘嗣前官

往東萊海口

帝改萊州
為東萊郡

造船三百艘

艘蘇
遭翻

官吏督役晝

夜立水中略不敢息自腰以下皆生蛆死者什三四

子蛆

余翻

夏四月庚午車駕至涿郡之臨朔宮

唐志幽州薊縣
有故隋臨朔宮

考異曰略記曰丙午幸涿郡之新宮按長歷是月丙辰朔無丙午今從帝紀文武從官九品

以上並令給宅安置

從才用翻

先是詔總徵天下兵無間遠

近俱會於涿

涿即涿郡先悉薦翻

又發江淮以南水手一萬人弩

手三萬人嶺南排鑼手三萬人

鑼七亂翻小稍也

於是四遠奔

赴如流五月勅河南淮南江南造戎車五萬乘送高陽

隋志高陽縣屬河間郡乘繩證翻

供載衣甲幔幕

幔莫半翻

令兵士自挽之

發河南北民夫以供軍須秋七月發江淮以南民夫及

船運黎陽及洛口諸倉米至涿郡

令力丁翻黎陽縣屬汲郡有黎陽倉洛口

倉初置見舳舻相次千餘里舳舻音逐盧載兵甲及攻取之

具往還在道常數十萬人填咽於道晝夜不絕死者相

枕枕職任翻臭穢盈路天下騷動山東河南大水漂沒三

十餘郡冬十月乙卯底柱崩偃河逆流數十里砥柱在河南郡

陝縣北河中初帝西巡見五年遣侍御史韋節隋制御史臺侍御史

八人名西突厥處羅可汗厥九勿翻處昌呂翻可從刊入聲汗音寒令與車駕

會大斗拔谷國人不從處羅謝使者辭以佗故帝大怒

無如之何會其酋長射匱遣使來求婚令力丁翻使疏吏翻酋才由翻

長知兩翻裴矩因奏曰處羅不朝恃彊大耳臣請以計弱之

分裂其國即易制也

朝直遙翻下同易以貳翻

射匱者都六之子達

頭之孫

杜佑曰都六者突厥始建號者也今矩言都六為達頭之子則非始建號者也

世為可

汗君臨西面今聞其失職附屬處羅故遣使來以結援

耳願厚禮其使拜為大可汗則突厥勢分兩從我矣

言射

匱處羅將兩皆從隋也

帝曰公言是也因遣矩朝夕至館微諷諭

之帝於仁風殿召其使者言處羅不順之狀稱射匱向

善吾將立為大可汗令發兵誅處羅然後為婚取桃竹

白羽箭一枝

桃竹桃枝竹也
今江南有之

以賜射匱因謂之曰此事

宜速使疾如箭也使者返路經處羅處羅愛箭將留之

使者譎而得免

譎古
穴翻

射匱聞而大喜興兵襲處羅處羅

大敗棄妻子將數千騎東走緣道被劫寓於高昌東保

時羅漫山

新唐志伊州伊吾縣有折羅漫山亦曰天山
將即亮翻又音如字領也騎奇寄翻被皮義

翻高昌王麴伯雅上狀

上言
其狀

帝遣裴矩與向氏親要左

右馳至玉門關晉昌城

新唐志玉門關在
沙州壽昌縣西北

曉諭處羅使

入朝十二月己未處羅來朝於臨朔宮

朝直
遠翻

帝大悅接

以殊禮帝與處羅宴處羅稽首謝入見之晚帝以溫言

慰勞之

稽音啓見賢遍翻勞力到翻

備設天下珍膳盛陳女樂羅綺

絲竹眩曜耳目然處羅終有怏怏之色

怏於兩翻

帝自去

歲謀討高麗詔山東置府令養馬以供軍役又發民夫

運米積於瀘河懷遠二鎮

新唐志曰隋於營州之境汝羅故城置遼西郡領遼西瀘

河懷遠三縣瀘音盧

車牛往者皆不返士卒死亡過半耕稼失時

田疇多荒加之饑饉穀價踊貴東北邊尤甚斗米直數

百錢所運米或粗惡

粗倉乎翻

令民糴而償之又發鹿車夫

六十餘萬

鹿車小車也言其小止容一鹿

二人共推米三石

推吐雷翻

道途

險遠不足充餽糧

餽戶鉤翻乾食也

至鎮無可輸皆懼罪亡命

重以官吏貪殘

重直用翻

因緣侵漁百姓困窮財力俱竭安

居則不勝凍餒

勝音升

死期交急剽掠則猶得延生

剽匹妙翻

於是始相聚為羣盜鄒平民王薄擁衆據長白山

鄒平縣宋

所僞置平原郡縣之地隋開皇十八年改名鄒平時屬

齊郡唐併入齊州臨濟縣長白山在章丘縣界亦屬齊

郡宋白曰淄州長山縣宋於此僞立廣川郡及武彊縣隋改武彊為長山以縣西南三十五里長白山為名

剽掠齊濟之郊

帝改齊州為齊郡濟州為濟北郡剽匹妙翻濟子禮翻

自稱知世

郎言事可知矣又作無向遼東浪死歌以相感勸

浪死猶言

徒死也

避征役者多往歸之平原東有豆子畝

帝改德州為平原郡

畝舉朗翻鹽澤也

負海帶河地形深阻自高齊以來羣盜多匿

其中有劉霸道者家於其旁累世仕宦貲產富厚霸道

喜遊俠

喜許記翻

食客常數百人及羣盜起遠近多往依之

有衆十餘萬號阿舅賊

阿烏葛翻

漳南人竇建德

漳南本漢東陽縣地

久廢開皇六年復置十八年改為漳南屬清河郡宋白曰取地居漳水之南為名

少尚氣俠膽

力過人為鄉黨所歸附會募人征高麗建德以勇敢選

為二百人長

少詩照翻
長知兩翻

同縣孫安祖亦以驍勇選為征

士

驍堅
堯翻

安祖辭以家為水所漂妻子餓死縣令怒笞之

安祖刺殺令

刺七
亦翻

亡抵建德

考異曰杜儒童隋季革
命記云安祖以盜羊為縣

今所考今從舊
唐書建德傳

建德匿之官司逐捕蹤跡至建德家建

德謂安祖曰文皇帝時天下殷盛發百萬之衆以伐高

麗尚為所敗

即謂開皇十八
年事敗補邁翻

今水潦為災百姓困窮加

之往歲西征

謂西征
吐谷渾

行者不歸瘡痍未復主上不恤乃

更發兵親擊高麗天下必大亂丈夫不死當立大功豈

可但為亡虜邪

邪音耶

乃集無賴少年得數百人使安祖

將之

少詩照翻將即亮翻

入高雞泊中為羣盜

新唐書曰高雞泊廣袤數百里葭蘆

阻奧可安祖自號將軍時郇人張金稱聚眾河曲

郇漢縣舊

廢開皇十六年復置屬清河郡河曲清河之曲新唐書作河渚郇音輸

蓀人高士達聚眾

於清河境內為盜

蓀舊曰修開皇五年改屬信都郡蓀音條

郡縣疑建德與

賊通悉收其家屬殺之

新書曰時羣盜往來漳南剽殺人焚鄉聚獨不入建德問由是

郡縣疑其與賊通

建德帥麾下二百人亡歸士達

帥讀曰率

士達自

稱東海公以建德為司兵頃之孫安祖為張金稱所殺

其衆盡歸建德兵至萬餘人建德能傾身接物與士卒

均勞逸由是人爭附之為之致死

為于偽翻寶建德始此

自是所

在羣盜蜂起不可勝數

勝音升數所具翻

徒衆多者至萬餘人

攻陷城邑甲子勅都尉鷹揚與郡縣相知追捕

隋志奉車尉馬

都尉屬三衛帝並廢之此蓋置都尉以討羣盜帝又改驃騎為鷹揚郎將

隨獲斬決

隨所獲而斬決

之然莫能禁止

八年春正月

考異曰略記云癸丑帝御前殿按長歷是月辛巳朔無癸丑略記甲子多差誤今

不取皆從隋書帝分西突厥處羅可汗之衆為三

厥九勿翻處昌呂翻可從

刊八聲
汗音寒

使其弟闕度設將羸弱萬餘口居于會寧

突厥之官

典兵者謂之設靈州鳴沙縣後周置會州會寧郡尋廢唐復置將即亮翻下同羸倫為翻

考異曰隋西突厥

傳作達度闕設今從裴矩傳

又使特勒大奈別將餘衆居于樓煩

突厥

之官子弟為特勒

命處羅將五百騎常從車駕巡幸賜號曷婆

那可汗

騎音寄翻那可汗今從隋書

按今隋書作曷薩那

考異曰唐李軌傳作曷婆

厚初嵩高道士潘誕

隋志河南郡嵩陽縣有嵩高山

自言三百歲為

帝合煉金丹帝為之作嵩陽觀

為于偽翻合音閣觀古玩翻

華屋數

百間以童男童女各一百二十人充給使位視三品常

役數千人所費巨萬云金丹應用石膽石髓隨息委翻發石

工鑿嵩高大石深百尺者數十處深式浸翻凡六年丹不成

帝詰之詰去吉翻誕對以無石膽石髓若得童男女膽髓各

三斛六斗可以代之帝怒鎖詣涿郡斬之且死語人曰

語牛倂翻此乃天子無福值我兵解時至解佳買翻一作假音學仙者謂蛻骨

登仙為尸解故其徒謂死為解化今誕謂兵死為其解我應生梵摩天云梵扶泛翻

四方兵皆集涿郡帝徵合水令庾質質出合水見上四年問曰高

麗之衆不能當我一郡今朕以此衆伐之卿以為克不

麗力知翻
不讀曰否

對曰伐之可克然臣竊有愚見不願陛下親

行帝作色曰朕今總兵至此豈可未見賊而先自退邪

邪音耶

對曰戰而未克懼損威靈若車駕留此命猛將勁

卒

將即亮翻

指授方略倍道兼行出其不意克之必矣事機

在速緩則無功帝不悅曰汝既憚行自可留此右尚方

署監事耿詢上書切諫

監事監作者也秩九品
監古銜翻上時掌翻

帝大怒

命左右斬之何稠苦救得免壬午詔左十二軍出鏤方

長岑溟海蓋馬建安南蘇遼東玄菟扶餘朝鮮沃沮樂

浪等道

帝指授諸軍所出之道多用漢縣舊名漢志鏤方長岑朝鮮屬樂浪郡蓋馬屬玄菟郡有益馬

大山遼東漢郡名溟海蓋即漢樂浪郡之海冥縣建安南蘇扶餘皆高麗國城守之處沃沮亦古地名是時其

地已入新羅界鏤即豆翻菟音塗朝音

朝鮮音仙沮子餘翻樂音洛浪音郎

右十二軍出黏

蟬含資渾彌臨屯候城提奚蹋頓肅慎碣石東曉帶方

襄平等道

漢志黏蟬含資渾彌提奚東曉帶方等縣屬樂浪郡候城襄平屬遼東郡臨屯亦漢武帝

所置郡名蹋頓即漢末遼西烏丸蹋頓所居肅慎古肅慎氏之國其地時為靺鞨所居碣石禹貢之碣石也杜

佑以為此碣石在高麗中佑曰碣石山在漢樂浪郡遂城縣秦長城起於此山今驗長城東截遼水而入高麗

遺址猶存黏女廉翻蟬服虔音提蹋

駱驛引途

駱驛相繼不絕

也 摠集平壤

平壤城高麗國都也亦曰長安城東西六里隨山屈曲南臨湍水杜佑曰高麗王自

東晉以後居平壤城即漢樂浪郡王險城 凡一百一十三萬三千八百人號

二百萬其餽運者倍之宜社於南桑乾水上類上帝於

臨朔宮南

記王制天子將出類乎上帝宜乎社鄭氏注類宜皆祭名孔穎達曰天道遠以事類而祭

告之也社主殺戮故求便宜社主陰萬物於此斷殺故曰宜桑乾河逕薊城南水經濕水出雁門陰館縣東北過代郡桑乾縣謂之桑乾水東過廣陽薊縣北今在薊城南城邑有變遷也乾音干 祭馬祖於薊

城北

周禮祭馬祖鄭氏注曰馬祖天駟也

帝親授節度每軍大將亞將各

一人騎兵四十隊隊百人十隊為團步卒八十隊分為

四圍圍各有偏將一人其鎧冑纓拂旗旛每團異色

將即

亮翻騎奇寄
翻鎧可亥翻

受降使者一人承詔慰撫不受大將節制

其輜重散兵等亦為四團

降戶江翻使疏吏翻
重直用翻散悉但翻

使步卒

挾之而行進止立營皆有次叙儀法癸未第一軍發日

遣一軍相去四十里連營漸進終四十日發乃盡首尾

相繼鼓角相聞旌旗亘九百六十里御營內合十二衛

三臺五省九寺分隸內外前後左右六軍次後發又亘

八十里近古出師之盛未之有也 甲辰內史令元壽

薨 二月壬戌觀德王雄薨

觀王雄諡曰德觀古玩

北平襄侯

段文振為兵部尚書上表以為帝寵待突厥太厚處之

塞內

上時掌翻處昌呂翻

資以兵食戎狄之性無親而貪異日必

為國患宜以時諭遣令出塞外

令力丁翻下同

然後明設烽候

緣邊鎮防務令嚴重此萬歲之長策也兵曹郎斛斯政

椿之孫也

帝改尚書諸曹侍郎為郎兵曹郎開皇之兵部侍郎也斛斯椿構間後魏孝武高歡者也

以器幹明悟為帝所寵任使專掌兵事文振知政險薄

不可委以機要屢言於帝帝不從及征高麗以文振為

左候衛大將軍出南蘇道文振於道中疾篤上表曰竊見遼東小醜未服嚴刑遠降六師親勞萬衆但夷狄多

詐深須防擬口陳降款母宜遽受

乘繩證翻降戶江翻

水潦方降

不可淹遲唯願嚴勒諸軍星馳速發水陸俱前出其不意則平壤孤城勢可拔也若傾其本根餘城自克如不時定脫遇秋霖深為艱阻兵糧既竭彊敵在前韎韐出

後

韎音末韐音曷

遲疑不決非上策也三月辛卯文振卒

卒子恤翻

帝甚惜之癸巳上始御師進至遼水衆軍總會臨水

為大陳

陣讀曰陣

高麗兵阻水拒守隋兵不得濟左屯衛大

將軍麥鐵杖謂人曰丈夫性命自有所在豈能然艾炙

頰灰蒂歎鼻治黃不差而臥死兒女手中乎

黃熱病也熱則頭痛

故燃艾以灸頰熱則上壅灰蒂味苦寒故噴鼻以通關

高差愈也然與燃同灸居又翻頰為葛翻鼻頰說文曰

荷國恩

荷下可翻

今為死日我得良殺汝當富貴帝命工部

尚書宇文愷造浮橋三道於遼水西岸既成引橋趨東

岸

趨上喻翻

橋短不及岸丈餘高麗兵大至隋兵驍勇者爭

赴水接戰

號堅
亮翻

高麗兵乘高擊之隋兵不得登岸死者

甚衆麥鐵杖躍登岸與虎賁郎將錢士雄孟義等皆戰

死

考異曰雜記作錢英
孟金釵今從隋帝紀

乃歛兵引橋復就西岸詔贈

鐵杖宿公

宿古
國翻

使其子孟才襲爵次子仲才季才並拜

官正議大夫更命少府監何稠接橋

更工衡翻
少始照翻

二日而

成諸軍相次繼進大戰于東岸高麗兵大敗死者萬計

諸軍乘勝進圍遼東城即漢之襄平城也車駕度遼

考

黑曰隋帝紀癸巳上御師甲子臨遼水橋茂成麥鐵杖
死甲午車駕度遼乙未大頓丙申大赦按長歷是月庚

辰朔不容有甲子又戊戌之下不容有甲午乙未丙申此必誤也今並除之

引曷薩那可汗

及高昌王伯雅觀戰處以懾憚之

懾之涉翻

因下詔赦天下

命刑部尚書衛文昇尚書右丞劉士龍撫遼左之民給

復十年

復方日翻

建置郡縣以相統攝

夏五月壬午納言

楊達薨

諸將之東下也帝親戒之曰今者弔民伐罪

非為功名諸將或不識朕意欲輕兵掩襲孤軍獨鬪立

一身之名以邀勲賞非大軍行法

言非大軍征行之法將即亮翻

公等

進軍當分為三道有所攻擊必三道相知毋得輕軍獨

進以致失亡又凡軍事進止皆須奏聞待報毋得專擅

遼東數出戰不利

數所角翻

乃嬰城固守帝命諸軍攻之又

勅諸將高麗若降即宜撫納不得縱兵遼東城將陷城

中人輒言請降

降戶江翻

諸將奉旨不敢赴機先令馳奏比

報至

比必窺翻

城中守禦亦備隨出拒戰如此再三帝終不

寤既而城久不下六月己未帝幸遼東城南觀其城池

形勢因召諸將詰責之曰公等自以官高又恃家世欲

以暗懦待我邪

詰去吉翻懦乃卧翻又乃亂翻邪音耶下同

在都之日公等

皆不願我來恐見病敗耳我今來此正欲觀公等所為

斬公輩耳公今畏死莫肯盡力謂我不能殺公邪諸將

咸戰懼失色帝因留城西數里御六合城

此六合城畧如三年行城

之制周回八里城及女垣高十仞

高麗諸城各堅守不下右翊衛大將

軍來護兒帥江淮水軍舳艫數百里浮海先進入自淇

水

班志淇水西至增地縣入海皆在樂浪界師讀曰率舳艫音逐盧淇音大翻

去平壤六十

里與高麗相遇進擊大破之護兒欲乘勝趣其城

趣七喻翻

副總管周法尚止之請俟諸軍至俱進護兒不聽簡精

甲四萬直造城下

造七到翻

高麗伏兵於羅郭內空寺中出

兵與護兒戰而偽敗護兒逐之入城縱兵俘掠無復部

伍伏兵發護兒大敗僅而獲免士卒還者不過數千人

高麗追至船所周法尚整陳待之高麗乃退護兒引兵

還屯海浦不敢復留應接諸軍

陳讀曰陣復扶又翻
考異曰北史云護破高

麗斬高元弟建武因破其郭營於城外以待諸軍今從隋書及革命記

左翊衛大將軍宇

文述出扶餘道右翊衛大將軍于仲文出樂浪道

隋制十三

衛各置大將軍一人來護兒于仲文並書右翊衛大將軍何也攷二人本傳于仲文帝即位之初為右翊衛大

將軍征吐渾時來護兒已為右翊衛大將軍通鑑蓋追書仲文官也

左驍衛大將軍荊元

恒出遼東道

驍堅克翻恒戶登翻

右翊衛將軍薛世雄出沃沮道

左屯衛將軍辛世雄出玄菟道

沮子余翻菟音塗

右禦衛將軍

張瑾出襄平道右武侯將軍趙孝才出碣石道涿郡太

守檢校左武衛將軍崔弘昇出遼城道檢校右禦衛虎

賁郎將衛文昇出增地道

守式又翻將即亮翻

皆會於靑綠水西

班志玄菟郡西蓋馬縣有馬訾水新唐書馬訾水出靑鞬之白山色若靑頭號靑綠水平壤城在靑綠東南金人謂靑綠水為混同江杜佑曰鴨綠水闊三百步在平壤西北四百五十里遼水東南四百八十里

述等

其自瀘河懷遠二鎮人馬皆給百日糧又給排甲槍稍

稍色
角翻

并衣資戎具火幕人別三石已上重莫能勝致

勝音

升下令軍中士卒有遺弃米粟者斬軍士皆於幕下掘

坑埋之纔行及中路糧已將盡高麗遣大臣乙支文德

詣其營詐降

乙支東夷複姓麗力知翻降戶江翻下同
考異曰革命記作尉支文德今從隋書

及北史實欲觀虛實于仲文先奉密旨若遇高元及文德

來者必擒之仲文將執之尚書右丞劉士龍為慰撫使

使疏吏
翻下同

固止之仲文遂聽文德還

還從
翻

既而悔之遣人

紿文德曰更欲有言可復來

紿待亥翻
復扶又翻

文德不顧濟臯

綠水而去仲文與述等既失文德內不自安述以糧盡

欲還仲文議以精銳追文德可以有功述固止仲文怒

曰將軍仗十萬之衆不能破小賊何顏以見帝且仲文

此行固知無功何則古之良將能成功者軍中之事決

在一人

將即亮
翻下同

今人各有心何以勝敵時帝以仲文有

計畫令諸軍諮稟節度故有此言由是述等不得已而

從之與諸將度水追文德文德見述軍士有饑色故欲

疲之每戰趣走述一日之中七戰皆捷既恃驟勝又逼

羣議於是遂進東濟薩水

薩桑葛翻

去平壤城三十里因山

為營文德復遣使詐降

復扶又翻

請於述曰若旋師者當奉

高元朝行在所

朝直遙翻

述見士卒疲弊不可復戰

復扶又翻

又

平壤城險固度難猝拔

度徒洛翻

遂因其詐而還

使來護兒之師不敗

而先退則營於平壤城外與宇文述諸軍猶聲援相接

不致有薩水之狼狽也還從宣翻又如字下同

考異

曰革命記云許公即至平壤城頭即樹降幡約至五日

檢錄簿籍圖書開門待命期過五日無一言許公頗催

竟無報答又十數日乃云船糧敗却

然始抗旌拒守分共以據險要許公知被欺即卷甲歸

每日常設方陳而行四面俱時受敵傷殺既衆糧食又盡過遼水者什無二三按煬帝驕暴高麗若明言不降

述等必不敢還今從隋書述等為方陳而行高麗四面鈔擊陳讀曰陣鈔楚

交翻麗力知翻述等且戰且行秋七月壬寅至薩水軍半濟高

麗自後擊其後軍右屯衛將軍辛世雄戰死於是諸軍

俱潰不可禁止將士奔還一日一夜至帛綠水行四百

五十里將軍天水王仁恭為殿殿丁練翻擊高麗却之來護

兒聞述等敗亦引還唯衛文昇一軍獨全還從宣翻又如字初

九軍度遼凡三十萬五千及還至遼東城唯二千七百

人資儲器械巨萬計

巨萬萬萬也

失亡蕩盡帝大怒鎖繫述

等癸卯引還

考異曰雜記七月帝自涿郡還東都十一月宇文述等糧盡遁歸高麗出兵邀截

亡失蕩盡帝怒敕所司鎖將隨行無幾斬劉士龍等於軍市特赦述今從隋書

初百濟王璋遣

使請討高麗帝使之覘高麗動靜

麗力知翻使疏吏翻覘丑庶翻又丑艷翻

璋內與高麗潛通隋軍將出璋使其臣國智年來請師

期帝大悅厚加賞賜遣尚書起部郎席律詣百濟

隋志起部

郎屬工部尚書姓苑席姓其先姓藉避項羽諱改姓席氏

告以期會

告以起師之期及會師之日也

及隋軍度遼百濟亦嚴兵境上聲言助隋實持兩端是

行也唯於遼水西拔高麗武厲邏

高麗置邏於遼水之西以警察度遼者邏

郎佐

置遼東郡及通定鎮而已八月勅運黎陽洛口太

原等倉穀

開皇三年於衛州置黎陽倉其汾晉之粟漕運以給京師汾晉以北諸州輸之太原倉

向望海頓

望海頓當在遼西界

使民部尚書樊子蓋留守涿郡九

月庚寅車駕至東都

考異曰雜記十月車駕幸涿郡徵召兵馬將遂度遼之功蓋誤今

不取

冬十月甲寅工部尚書宇文愷卒

卒子愷翻

十一月

己卯以宗女為華容公主嫁高昌

宇文述素有寵於

帝且其子士及尚帝女南陽公主故帝不忍誅甲申與

于仲文等皆除名為民斬劉士龍以謝天下

以士龍縱
乙支文德

也薩水之敗高麗追圍薛世雄於白石山世雄奮擊破

之由是獨得免官以衛文昇為金紫光祿大夫諸將皆

委罪於于仲文帝既釋諸將獨繫仲文憂恚發病因篤

乃出之卒于家

恚於避翻卒子恤翻
記于仲文以下斬於市今從隋書

是

歲大旱疫山東尤甚

張衡既放廢

衡放還田里
見上六年

帝每

令親人覘衡所為

覘丑廉翻
又丑艷翻

帝還自遼東衡妾告衡怨

望謗訕朝政

朝直
遙翻

詔賜盡于家衡臨死大言我為人作

何等事


謂仁壽四年事也為于偽翻

而望久活監刑者塞耳

監古銜翻塞悉

則促令殺之

令力丁翻



資治通鑑卷一百八十一